

Ulloq (SAQQUMMIUNNEQARTOQ) Økonomi- og erhvervsministerimit
(Lene Espersenimit) saqqummiunneqartoq

**Aningaasanik nuussinermi akiliuteqartoq pillugu ilanngullugit
nassiunneqartussat paasissutissat pillugit Kalaallit Nunaannut inatsisissatut**

siunnersuut

kapitali 1

Atuuffissaa

§ 1. Inatsit una nunap aningaasai apeqqutaatinngit aningaasanik nuussinermi atuutissaaq, Kalaallit Nunaanni akiliuteqarnermi ingerlatitsisumit nassiunneqartunik imaluunniit tiguneqartunik, akiliuteqarnermi ingerlatsisoq aningaasaateqarfiuppat, taarsigassarsisitsisarfiuppat, fondsmæglerselskabiuppat, qarasaasiakkut aningaasanik nuussisarfiuppat, sparevirksomhediuppat imaluunniit nunani allani ingerlatseqatigiiffinnut assingusunut immikkoortortaqarfiuppat.

Imm. 2. Inatsit una aningaasanut nuussinernut, kredit- eller debetkort atorlugit ingerlanneqartunut atuutissanngilaq, imaattoqarpat

- 1) nioqqutissanik sullissinernillu akiliuteqarnissamik periarfissiisumik, tiguisusaaq akiliutinik ingerlatsisorlu isumaqatigiissimappata, aamma
- 2) aningaasanik nuussineq paatsuugassaannngitsumik kinaassusersiummik ilaqartinneqarpat, nuussineq akiliuteqartumik nassarinninnissamik periarfissiisumik.

Imm. 3. Inatsit una aningaasanik 7.500 kr.-t tikillugit nuussinernut atuutinneqassanngilaq, elektroniskiusumik aningaasat ikiortigalugit ingerlanneqartunut, soorlu aningaasarsiornermik ingerlatsiviit pillugit inatsimmi nassuiarneqartutut, imaappattoqarpat

- 1) kortini immeqqinneqarsinnaasuni annerpaamik 1.125 kr.-nik toqqortarinnissinnaasoqarpat, imaluunniit
- 2) qaammatsiutit iluanni kortini immeqqinneqarsinnaasuni annerpaamik 18.750 kr.-t tikillugit aningaasannngortitsisoqarsinnaappat.

Imm. 4. Inatsit una aningaasanut nuussinernut oqarasuaatit ingerlattakkat imaluunniit atortorissaarutit digitaliusut imaluunniit qarasaasiatigut atortorissaarutit atorlugit ingerlanneqartunut atuutissanngilaq aamma nuussinerit taakku siumoortumik akiliutaappata aamma 1.125 kr.-t qaangersimanngippagit.

Imm. 5. Una inatsit aningaasanik nuussinernut, oqarasuaatit ingerlattakkat imaluunniit assigisaannik atortorissaarutit digitaliusut imaluunniit qarasaasiatigut atortorissaarutit atorlugit ingerlanneqartunut atuutinneqassanngilaq, nuussinerit taakku kingusinaartumik akiliutaappata, aamma

- 1) nioqqutissanik sullissinernillu akiliuteqarnissamik periarfissiisumik, tiguisusaaq akiliutinik ingerlatsisorlu isumaqatigiissimappata, aamma
- 2) aningaasanik nuussineq erseqqissumik kinaassusersiummik ilaqartinneqarpat, nuussineq akiliuteqartumik nassarinninnissamik periarfissiisumik,
- 3) akiliuteqarnermi ingerlatsisoq aningaasanik iluanaarutinik unioqqutitsilluni pissarsiaasunik naapertuuttunngortitsiniarnerit pinaveersaartinnissaat pisussaaffinnut aamma peqqaarniisarniartunut aningaasalersuineq pillugit inatsimmi ilaatinneqarpat.

§ 2. Inatsit una nioqqutissanik kiffartuussinernillu pisinermut atatillugu Kalaallit Nunaanni aningaasanik nuussinernut atuutinneqassanngilaq, imaattoqarpat

- 1) aningaasat 7.500 kr.-t qaangersimanngippagit
- 2) tiguisussap aningaasanik ingerlatsisua aningaasanik iluanaarutininik unioqqutitsilluni pissarsiaasunik naapertuuttunngortitsinermut pinaveersaartinnissaat pisussaaffinnut aamma peqqaarniisaarniartunut aningaasalersuineq inatsimmi ilaatinneqarpat, aamma
- 3) tiguisussap aningaasanik ingerlatsisua innersuussinermi normu paatsuugassaannngitsoq ikiortigalugu tiguisussaq aqutigalugu inatsisitigut ingerlatsisuusup imaluunniit inuinaap, tiguisussap nioqqutissanik kiffartuussinernilluunniit tunisaqarnissamik isumaqatigiissusiorfigisaasa aningaasanik nuussinernik nassaarinnessinnaappat.

Imm. 2. Imm. 1-imi sanioqqutitsisinnaanerit taamatulli atuutissapput Kalaallit Nunaata Danmarkillu akornanni aamma Kalaallit Nunaata Savalimmiullu akornanni aningaasanik nuussinerni.

§ 3. Aningaasanik nuussinermi paasissutissat sorliit ilanngutassanersut pillugit piumasaqaatit, tak. § 9, nalinginnarmik iluaqutaasussamik siunertaqartunut kattuffinnut aningaasanik nuussinermi atuutissanngillat, imaattoqarpat

- 1) aningaasat nuunneqartut 1.125 kr.-t qaangersimanngippagit,
- 2) nuussineq Kalaallit Nunaata iluani ingerlanneqarpat,
- 3) kattuffik naatsorsuutininik saqqummiussisussaananermik piumaffigineqarsimappat, aamma
- 4) kattuffik oqartussaasunit nakkutigineqartussaappat imaluunniit avataaniit kukkunersiorneqartussaappat, naalagaaffimmit akuerisaasumit kukkunersiuisumit imaluunniit kukkunersiuisumit nalunaarsorsimasumit ingerlanneqartumik.

Imm. 2. Imm. 1-imi sanioqqutitsisinnaanerit Kalaallit Nunaata Danmarkillu akornanni aamma Kalaallit Nunaata Savalimmiullu akornanni aningaasanik nuussinerni taamatuttaaq atuutinneqassapput.

Imm. 3. Imm. 1 malillugu sanioqqutitsisinnaanermi piumasaqaatigineqarpoq, kattuffiup Finanstilsynimi nalunaarsorsimanissaanik aamma naatsorsuutininik saqqummiussinissamik aamma avataaniit kukkunersiuisoqarnissaanik imaluunniit oqartussaasunit nakkutigineqarnissamik piumasaqaat naammassineqarnissaa pillugu uppersaasoqarnissaanik. Aammattaaq kattuffiup paasissutissiisutigissavaa, inuinaat, kattuffimmi aqutsisuni qullersaasut imaluunniit ingerlatseqatigiiffik pillugu nakkutilliinermik ingerlataqartuusut. Oqaaseqatigiit siullermi aamma aappaani taaneqartunik pissutsinik allannguinerit, Finanstilsynimut nalunaarutigineqassapput.

§ 4. Inatsit manna aningaasanik nuussinerni makkunani atuutissanngilaq,

- 1) akiliuteqartoq nammineq kontuminiit aningaasanik tigusinerani,
- 2) illuatungeriit akornanni debetmik nuussinissamik akuersissuteqartoqartillugu, illuatungeriit akornanni kontumiit kontumut akiliuteqarnissamik periarfissaqartillugu, aningaasaanik nuussineq pineqartoq kinaassusersiummik paatsuugassaannngitsumik ilaqartinneqarpat, inummik imaluunniit inatsisitigut ingerlatsisuusumik nassaarinneqinnissamik periarfissiisumik,
- 3) qarasaasiakkut check-inik ingerlatsisoqarpat,
- 4) Kalaallit Nunaanni akileraarutininik, akiligassiisutininik imaluunniit akitsuutininik allanik pisortat oqartussaataannut akiliuteqarnermi,
- 5) Danmark-imi imaluunniit Savalimmiuni akiligassiisutininik imaluunniit akitsuutininik allanik pisortat oqartussaataannut akiliuteqarnermi, imaluunniit
- 6) Akiliuteqartoq aamma tiguisussaq akiliuteqarnermi ingerlatsisuuppata, nammineq akisussaaffigalugu iliuuseqartut.

Kapitali 2

Nassuiaanerit

§ 5. Matumani inatsimmi makku ima paasineqassapput:

- 1) Akiliuteqartoq: Inuinnaq imaluunniit inatsisitigut ingerlatsisusooq, kontumik piginnittusooq, kontumiit aningaasanik nuussinissamut akuersissuteqartoq, imaluunniit kontoqanngippat inuk imaluunniit inatsisitigut ingerlatsisusooq, aningaasanik nuussinissamik inniminniisusooq.
- 2) Tigusisussaq: Inuinnaq imaluunniit inatsisitigut ingerlatsisusooq, aningaasanik nuussanik tigusisussatut eqqarsaatigineqartoq.
- 3) Akiliuteqarnermi ingerlatsisusooq: Inuup imaluunniit inatsisitigut ingerlatsisusup ingerlatsiviani aningaasanik nuussinissamik kiffartuussinissaq ilaatinneqarpat.
- 4) Akiliuteqarnermi ingerlatsisusunut akunnermuliuttoq: Akiliuteqarnermi ingerlatsisusooq akiliuteqartup imaluunniit tigusisussap ingerlatsisorinngisaa, aamma aningaasanik nuussinerup ingerlanneqarnerani peqataasoq.
- 5) Aningaasanik nuussineq: Nuussineq, akiliuteqartoq sinnerlugu ingerlanneqartoq, akiliuteqarnermi ingerlatsisooq aqqutigalugu qarasaasiakkut ingerlanneqartoq, akiliuteqarnermi ingerlatsisumi tigusisussamut atugassiinissaq siunertaralugu akiliuteqartoq tigusisussarlu inuk ataasiunnersooq apeqqutaatinnagu.
- 6) Batchfiloverførsel: Aningaasanik nuussinerit ataasiakkaat, ataatsimoortillugit nassiunneqartut.
- 7) Paatsuugassaannngitsumik kinaassusersiut: Naqinnernik, kisitsinik imaluunniit ilisarnaatinik ataqatigiissitsineq akiliutinik ingerlatsisunik aalajangersarneqartut aningaasanik nuussinermi atorqeartartut akiliuteqarnermi, ingerlatsinermi nalunaaruteqarnermi aqqissuussinerit pillugit **allattaaviit** naapertorlugit.

§ 6. Aningaasanik iluanaarutininik unioqqutitsilluni pissarsiaasunik naapertuuttunngortitsinermi matumani inatsimmi paasineqassaaq, aningaasanik iluanaarutininik unioqqutitsilluni pissarsiaasunik naapertuuttunngortitsiniarnerup aamma peqqaarniisarniartunut aningaasalersuinerup pinaveersaartinniarlugit iliuusissat inatsimmi § 4-mi nassuiarneqartutut.

§ 7. Peqqarniisaarniarnermut aningaasalersuineq matumani inatsimmi paasineqassaaq Kalaallit Nunaanni pinerluttulerinermi inatsimmi § 30-mi nassuiarneqartutut peqqarniisaarniarnermut aningaasalersuineq, inatsisip assingani § 28-mi ilaatinneqartunut iliuutsinut tunngatillugu.

Kapitali 3

Akiliuteqartup akiliuteqarnermi ingerlatsisuata pisussaaffii

Akiliuteqartoq pillugu paasissutissat tamakkiisut

§ 8. Akiliuteqartoq pillugu paasissutissat eqqoqqissaartuni pineqarput taassumap atia, najugaa aamma kontup normua. Najukkamut taarsiullugu akiliuteqartup inuua aamma inunngorfia, sullitamut innersuussinermi normu imaluunniit inuup normua taaneqarsinnaapput. Akiliuteqartoq kontu normoqanngippat, kontu normumut taarsiullugu akiliuteqarnermi ingerlatsisup paatsuugassaannngitsumik kinaassusersiut atorsinnaavaa, akiliuteqarnermi akiliuteqartumut nassaarinneqqissinnaanermik periarfissiisoq.

Aningaasanik nuussinerit aamma akiliuteqartoq pillugit paasissutissat

§ 9. Akiliuteqarnermi ingerlatsisusup qulakkiissavaa, aningaasanik nuussinerit akiliuteqartoq pillugu paasissutissanik tamakkiisunik ilaqartinneqarnissai.

Imm. 2. Aningaasat nuunneqartinnagit, akiliuteqartup akiliutinik ingerlatsiviata akiliuteqartoq pillugu paasissutissat tamaasa misissussavai uppernarsaatit, paasissutissat imaluunniit

paasissutissiisartumit tatiginartumit imaluunniit arlaannaannulluunniit attuumassuteqanngitsumit paasissutissat tunngavigalugit.

Imm. 3. Kontumiit aningaasanik nuussinermi nakkutilliinissamik piunasaqaat naammassineqartutut isigineqassaaq

- 1) akiliuteqartup kinaassusaa uppersarsineqarpat kontumik ammaanermut atatillugu, aamma paasissutissat, tamatumunnga atatillugu takkuttut, aningaasanik iluanaarutunik unioqqutitsilluni pissarsiaasunik naapertuuttunngortitsinerup aamma peqqaarniisarniartunut aningaasalersuineq pillugit inatsimmi kinaassutsimik paasissutissanik toqqortarinneq pillugu pisussaaffiit il.il. naapertorlugit imaluunniit
- 2) matumani inatsisip atutilinnginnerani akiliuteqartoq akiliuteqarnermi ingerlatsisumi sullitaasimappat, paasissutissallu tamakkiisut navianartorsiornermik naliliineq tunngavigalugu piffissaq naleqquttuutillugu pissarsiarineqarsimappata.

Imm. 4. Nuussinerni, kontumit ingerlanneqanngitsuni, akiliuteqartup akiliuteqarnermi ingerlatsisuata akiliuteqartoq pillugu paasissutissat taamaallaat uppersarsassavai, aningaasat 7.500 kr.-t qaangersimappagit, nuussineq ataqtigiippasittutut arlaleriarluni ingerlanneqanngippat, aamma katillugit 7.500 kr.-t qaangersimappagit.

Imm. 5. Imm. 4 atutissanngilaq, aningaasanik iluanaarutunik unioqqutitsilluni pissarsiaasunik naapertuuttunngortitsinermut imaluunniit peqqaarniisaarniartunut aningaasalersuinermut attuumassuteqartutut pasinaateqarpat, aningaasanik iluanaarutunik unioqqutitsilluni pissarsiaasunik naapertuuttunngortitsinerup aamma peqqaarniisarnianut aningaasalersuineq pillugit inatsimmi § 7-imi nalunaaruteqartussaannermut ilaatinneqarpat.

Imm. 6. Akiliuteqartup akiliuteqarnermi ingerlatsisuata nalunaarsuiffiit, aningaasanik nuussinerit akiliuteqartoq pillugu paasissutissanik tamakkiisunik imaqtartut, ukiuni tallimani toqqortarissavai.

*Kalaallit Nunaata iluani, Kalaallit Nunaata aamma Danmarkip akornanni aamma
Kalaallit Nunaata Savalimmiullu akornanni aningaasanik nuussinerit*

§ 10. § 9. imm. 1 atutissanngilaq, akiliuteqartup tiguisussallu akiliuteqarnermi ingerlatsisua Kalaallit Nunaanniippat, aamma aningaasanik nuussineq akiliuteqartup kontuata normuanik imaluunniit paatsuugassaannngitsumik kinaassusersiummik ilaqartinneqarpat, nuussinermik akiliuteqartumut nassaarinneqqinninnissamik periarfissiisumik.

Imm. 2. Imm. 1-imi sanioqqutitsisinnaaneq taamatulli atutissaaq, akiliuteqartoq aamma tiguisusaaq akiliuteqarnermi ingerlatsisua Kalaallit Nunaanniippat, Danmarkimiippat imaluunniit Savalimmiuniippat.

Imm. 3. Tiguisusapp akiliuteqarnermi ingerlatsisua tamanna qinnutigippagu, akiliuteqartup akiliuteqarnermi ingerlatsisuata akiliuteqartoq pillugu paasissutissat tamakkiisut tiguisusapp akiliuteqarnermi ingerlatsisuata atugassarissavai, qinnuteqaatip tiguneqarnerata qaangiunneratigut ullut suliffissat pingasut qaangiutinnginnerini.

Kalaallit Nunaata aamma nunat allat akornanni aningaasanik nuussineq

§ 11. Aningaasanik nuussinerit, tiguisusapp akiliuteqarnermi ingerlatsisua Kalaallit Nunaata avataaniitillugu, akiliuteqartoq pillugu paasissutissanik eqqoqqissaartunik ilaqartinneqassapput.

Imm. 2. Akiliuteqartumit ataasiarluni batchfiloversel-eqarnermi, tiguisusapp akiliuteqarnermi ingerlatsisua Kalaallit Nunaata avataaniippat, tassani ataatsimoortinneqartuni nuussinernut ataasiakkaanut imm. 1 atutissanngilaq, batchfil-i paasissutissanik taakkuninnga imaqarpat, aamma nuussinerit ataasiakkaat akiliuteqartup kontu normuanik imaluunniit paatsuugassaannngitsumik kinaassusersiummik imaqarpata.

Imm. 3. Tiguisusapp akiliuteqarnermi ingerlatsisua Danmarkimiippat imaluunniit Savalimmiuniippat, akiliuteqarnermi ingerlatsisup Kalaallit Nunaanniineratut malittarisassat assingi atutissapput.

Tiguisusapp akiliuteqarnermi ingerlatsisuata pisussaaffii

Akiliuteqartoq pillugu paasissutissanik amigaateqarnek pillugu paasisaqarneq

§ 12. Tiguisusapp akiliuteqarnermi ingerlatsisuata pisussaaffigaa paasissallugu, aningaasanik nuussinermi atorqeartussani nalunaaruteqarnissamut, akiliuteqarnissamut aamma ingerlatsinissamut aqqissuussinermi akiliuteqartoq pillugu paasissutissanik immersuiffissami, aqqissuussinermi pineqartumi malittarisassat malillugit akuerineqarsimasut, karakterinik imaluunniit paasissutissanik immersorneqarsimanersoq. Tiguisusapp akiliuteqarnermi ingerlatsisua sunniuteqarluartumik periuseqassaaq paasiniaarlugu, akiliuteqartoq pillugu paasissutissanik makkuninnga amigaateqartoqarnerseq:

- 1) Aningaasanik nuussinermi, akiliuteqartup akiliuteqarnermi ingerlatsisua Kalaallit Nunaanniitillugu, paasissutissat, § 10 malillugu piumasarineqartut.
- 2) Aningaasanik nuussinermi, akiliuteqartup akiliuteqarnermi ingerlatsisua Kalaallit Nunaata avataaniitillugu, § 8 malillugu akiliuteqartoq pillugu paasissutissat tamakkiisut imaluunniit, tamanna attuumassuteqarpat, § 17 malillugu piumasarineqartut paasissutissat.
- 3) Batchfiloverførselqarnermi, akiliuteqartup akiliuteqarnermi ingerlatsisua Kalaallit Nunaata avataaniitillugu, § 8 malillugu akiliuteqartoq pillugu paasissutissat tamakkiisut, taamaattorli batchfiloverførselini aamma tassani ataatsimoortinneqartuni nuussinert ataasiakkaajunngitsut.
- 4) Aningaasanik nuussinerni aamma batchfiloverførselini nr. 2 aamma 3 apeqqutaatinnagu, akiliuteqartup akiliuteqarnermi ingerlatsisua Danmarkimiitillugu imaluunniit Savalimmiuniitillugu, § 10 malillugu taamaallaat paasissutissat piumasarineqartut.

Aningaasanik nuussinert akiliuteqartoq pillugu amigaatilinnik imaluunniit tamakkiisuunngitsunik paasissutissartallit

§ 13. Tiguisusapp akiliuteqarnermi aqutsisuata nuussanik tigusermi paasippagu, inatsit manna malillugu piumasarineqartut paasissutissat amigaatigineqartut imaluunniit tamakkiisuunngitsut, akiliuteqarnermi ingerlatsisup nuussineq itigartissavaa imaluunniit akiliuteqartoq pillugu paasissutissanik tamakkiisunik piumasaqassaaq.

Imm. 2. Akiliuteqarnermi ingerlatsisuusup akiliuteqartoq pillugu paasissutissanik piumasarineqartunik akuttunngitsumik tunniussinngitsoortarpat, tiguisusapp akiliuteqarnermi ingerlatsisua iliuseqarnissamut piareersaateqassaaq, siullermik mianersoqqusineramik aamma piffissarititaasunik aalajangiinernik ilaqartunik aamma tamatuma kingorna siunissami akiliuteqarnermi ingerlatsisumit taassuminnga aningaasanik nuussinernik itigartitsinermik ilaqartunik imaluunniit akiliuteqarnermi ingerlatsisumik taassuminnga niuernermi attaveqatigiinneq killilersorneqarnissaa imaluunniit inaarsinermik isummernissamik ilaqartunik. Tiguisusapp akiliuteqarnermi ingerlatsisua oqaaseqatigiit siulliat malillugu iliussissanik piareersaappat, Kalaallit Nunaanni Hvidvasksekretariati tamanna pillugu ilisimatinneqassaaq.

Navianartorsiornermik tunngaveqartoq nalilersuineq

§ 14. Akiliuteqartoq pillugu paasissutissat amigartut imaluunniit tamakkiisuunngitsut tiguisusapp akiliuteqarnermi ingerlatsisuata aningaasanik nuussineq assigisaaniluunniit nuussineq pasinapiluttuuneranik naliliineranut ilaatinneqassaaq, aamma aningaasanik iluanaarutininik unioqqutitsilluni pissarsiaasunik naapertuuttunngortitsinerup aamma peqqaarniisarniartunut aningaasalersuinerup pinaveersaartinnissaannut iliussissat pillugit inatsimmi § 7 naapertorlugu tamanna pillugu Kalaallit Nunaanni Hvidvasksekretariati ilisimatinneqassanersoq.

Nalunaarsuineq

§ 15. Tigusisussap akiliuteqarnermi ingerlatsisuata, nalunaarsukkat, paasissutissanik akiliuteqartoq pillugu tiguneqartut, ukiuni tallimani toqqortarissavai.

Kapitali 5

Akiliutinik ingerlatsisunut akunnermuliuttunut pisussaaffiit

Nuussinermi akiliuteqartoq pillugu paasissutissanik toqqortarinninneq

§ 16. Akiliuteqarnermi ingerlatsisuusut akunnermuliuttut isumagissavaat, aningaasanik nuussinermi ilaatinneqartut akiliuteqartoq pillugu paasissutissat tamarmik, nuussinermut ilanngullugu toqqortarineqarnissaat.

Tekniskiusumik killilersuinerit

§ 17. Imm. 3 – 6 atuutisapput, akiliuteqartup akiliuteqarnermi ingerlatsisua Kalaallit Nunaata avataaniippat aamma akiliuteqarnermi ingerlatsisuusooq akunnermuliuttoq Kalaallit Nunaaniippat.

Imm. 2. Taamaattorli imm. 3 – 6 atuutissanngillat, akiliuteqartup akiliuteqarnermi ingerlatsisua Danmarkimiippat imaluunniit Savalimmiuniippat aamma akiliuteqarnermi ingerlatsisooq akunnermuliuttoq Kalaallit Nunaaniippat.

Imm. 3. Akiliuteqarnermi ingerlatsisooq akunnermuliuttup tigusisussap akiliuteqarnermi ingerlatsisuanut aningaasanik nuussanik nassiussinermi akiliuteqarnermi aqqissuussineq tekniskiusumik killilersuutitalik atorsinnaavaa, naak tekniskiusumik killilersuinertigut periarfissaanngikkaluartoq, akiluteqartoq pillugu paasissutissat aningaasanik nuussinermi ingerlaqataatinneqarsinnaanngikkaluartut, akiliuteqarnermi ingerlatsisooq akunnermuliuttoq aningaasanik nuussanik tigusinermi paasippagu, akiliuteqartoq pillugu paasissutissat, inatsit manna malillugu piumasarineqartut, amigaataagaluarpataluunniit imaluunniit tamakkiisuunngikkaluarpataluunniit.

Imm. 4. Aningaasanik nuussanik tigusinermi akiliuteqarnermi ingerlatsisup akunnermuliuttup paasippagu, manna inatsit malillugu piumasarineqartut paasissutissat amingaataasut imaluunniit tamakkiisuunngitsut, akiliuteqarnermi ingerlatsisooq akunnermuliuttoq akiliuteqarnermi aqqissuussineq tekniskiusumik killilersuutitaqartoq taamaallat atorsinnaavaa, tigusiussap akiliuteqarnermi ingerlatsisua nalunaarfigissallugu periarfissaqarpat, akiliuteqartoq pillugu paasissutissat amigaataanerit imaluunniit tamakkiisuunngitsuunerit pillugu. Nalunaarutiginninneq ingerlanneqassaaq akiliuteqarnermi imaluunniit nalunaaruteqarnermi aqqissuussineq atorlugu, paasissutissamik taassuminnga ingerlatitsinissamik periarfissiisooq, imaluunniit periutsi alla atorlugu, akuerineqarsimasooq imaluunniit akiliuteqarnermi ingerlatsisuusut marluusut akornanni isumaqatigiisutaasooq.

Imm. 5. Akiliuteqarnermi ingerlatsisup akunnermuliuttup akiliuteqarnermi aqqissuussineq tekniskiusumik killilersuinertalik atorpagu, akiliuteqarnermi ingerlatsisup akunnermuliuttup, tigusiussap akiliuteqarnermi ingerlatsisuanit qinnuigineqarnermigut, qinnuigineqarnermi kingorna ullut suliffiusut pingasut iluanni, akiliuteqartoq pillugu paasissutissat tiguneqarsimasut, tigusiussap akiliuteqarnermi ingerlatsisuanut atugassanngortissavai, paasissutissat taakku tamakkiisuugaluarpataluunniit imaluunniit tamakkiisuunngikkaluarpataluunniit.

Imm. 6. Pisuni, imm. 3 aamma 4-mi taaneqartuni, akiliuteqarnermi ingerlatsisup akunnermuliuttup nalunaarsukkat, paasissutissanik tiguneqarsimasunik imaqartut, ukiuni tallimani toqqortarissavai.

Kapitali 6

Nakkutilliineq aamma maalaaruteqarsinnaaneq

§ 18. Finanstilsynip misissussavaa, Kalaallit Nunaanni akiliuteqarnermi ingerlatsisoq, tassaasoq aningaasaateqarfik, taarsigassarsisitsisarfik, fondsmæglerselskab, qarasaasiakkut aningaasanik nuussisarfik, sparevirksomhed imaluunniit nunani allani ingerlatseqatigiiffinnut assingusunut immikkoortortaqarfik, matumani inatsimmik unioqqutitsinersut.

Imm. 2. Imm. 1-imi taaneqartut ingerlatseqatigiiffiit aamma immikkoortortaqarfiit Finanstilsyni, paasissutissanik pisariaqartunik, matumani inatsimmik unioqqutitsinermik nakkutilliinermi atugassaasunik, tunissavaat.

§ 19. Inatsit naapertorlugu Finanstilsynip aalajangigai, aalajangiinermi pineqartumit, Erhvervsankenævnumut maalaarutigineqarsinnaapput, kingusinnerpaamik aalajangiinerup pineqartumut nalunaarutigineqarneraniit sap. ak. sisamat qaangiutsinnagit.

Kapitali 7

Pillaatitut iliuutsit

§ 20. § 9, imm. 1, 2, 4 aamma 6-*imik*, § 10, imm. 3-*mik*, § 11, imm. 1-*imik*, §§ 12, 13, 15 aamma 16-*imik*, kiisalu § 17, imm. 4-6-*imik* piaaraluni imaluunniit sakkortuumik mianersuaalliornikkut unioqqutitsinerit, Kalaallit Nunaanni pinerluttulerinermik inatsit malillugu pineqaatissiissutaasinnaapput.

Imm. 2. § 18, imm. 2 malillugu ingerlatsiviup inuulluunniit pisussaaffitsik naammassinngippagu, Finanstilsynip pinngitsaalliissutitut inuk, ingerlatseqatigiiffik imaluunniit ingerlatsivimmut inuit akisussaasusut ullormoortunik imaluunniit sapaatip akunnikkaartunik akiligassissinnaavai.

Imm. 3. Ingerlatseqatigiiffiit il.il. (taakku sinnerlugit inatsisitigut ingerlatsisuusut) Kalaallit Nunaanni pinerluttulerinermik inatsimmi kapitali 5-imi malittarisassat malillugit akisussaatinneqarsinnaapput.

Kapitali 8

Atuutilerfissaa

§ 21. Inatsit atuutilissaaq ulloq 1. juni 2010, taamaattoq tak. imm. 2.

Imm. 2. Økonomi- og Erhvervsministerip inatsimmi § 2, imm. 2-p, § 3, imm. 2-p, § 4, nr. 5-p, § 10, imm. 2-p, § 11, imm. 3-p § 12, nr. 4-p aamma § 17, imm. 2-p atuutilerfissaasa piffissaa aalajangersassavaa.

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut
2. Aningaasanik nuussinermi akiliuteqartoq pillugu paasissutissat sorliit ilanngullugit nassiunneqassanersut pillugu peqqussut
3. Imarisai
 - 3.1. Inatsisip atuuffissaa
 - 3.2. Akiluteqartup akiliuteqarnermi ingerlatsisuata pisussaaffii
 - 3.3. Tiguisissap akiliuteqarnermi ingerlatsisuata pisussaaffii
 - 3.4. Akiliuteqarnermi ingerlatsisup akunnermuliuttup pisussaaffii
4. Naalagaaffimmut, kommuninut nunallu immikkoortuinut aningaasaqarnikkut allaffissornikkullu kingunissat
5. Inuussutissarsiornermik ingerlataqartunut il.il. aningaasaqarnikkut kingunissat
6. Inuussutissarsiornermik ingerlataqartunut il.il. allaffissornikkut kingunissat.
7. Avatangiisinut tunngasutigut kingunissat.
8. Innuttaasunut allaffissornikkut kingunissat
9. Eqqartuussivitsigut EU-mut pisussaaffiit
10. Tusarniaaneq
11. Skiima eqikkagaq

1. Aallaqqaasiut

Inatsisissatut siunnersuummi aalajangersarneqarpoq, aningaasanik nuussinermi akiliuteqartoq pillugu paasissutissat sorliit ilanngullugit nassiunneqarnissaat, Kalaallit Nunaanni akiliuteqarnermi ingerlatsisunut nassiunneqartuni aamma/imaluunniit tiguneqartuni.

Inatsisissatut siunnersuutip peqataaffigissavaa, Kalaallit Nunaanni aningaasanik iluanaarutininik unioqqutitsilluni pissarsiaasunik naapertuuttunngortitsineq imaluunniit peqqarniisaarniartunut aningaasalersuineq akiorniarlugit pillugit malittarisassat, Danmarkimi malittarisassat atuuttut assiginissaat.

Siunnersuut aningaasanik iluanaarutininik unioqqutitsilluni pissarsiaasunik naapertuuttunngortitsineq imaluunniit peqqarniisaarniartunut aningaasalersuineq akiorniarneqarnerinut ilaavoq. Tassunga atatillugu sakkussatut pingaartoq tassaavoq, sutigut tamatigut aningaasanik nuussinerit nassaarineqarsinnaanerit. Siunertaavoq qulaakkeerneqassasoq, akiliuteqartoq pillugu paasissutissat misissuinermit atugassatut ammasuunissaat.

Inatsit atuutissaaq Kalaallit Nunaanni akiliuteqarnermi ingerlatsisunut, akiliuteqarnermi ingerlatsisuusoq aningaaseriviuppat, taarsigassarsisitsisarfiuppat, fondsmæglerselskab-iuppat, qarasaasiakkut aningaasanik nuussisarfiuppat, sparevirksomhed-iuppat imaluunniit Kalaallit Nunaanni imaluunniit nunani allani ingerlatseqatigiiffinnut assingusunut immikkoortorta qarfiuppat. Ingerlatseqatigiiffinnik taakkuninnga aaqqiissuteqarneq naalagaaffimmut tunngasuvoq. ”Naalakkersuisut” (Kalaallit Nunaanni Naalakkersuisut) inatsisartut inatsisaannik ingerlatsiniarsarissapput, imarisamigut inatsisissatut siunnersuummut matumunnga naapertuuttuusumik. Inatsisartut inatsisissaanni ilaatinneqassapput akiliuteqarnermi ingerlatsisuusut, Namminersorlutik Oqartussanit aaqqiiffigineqartussat, taamaattumillu aningaasanik nuussinermi akiliuteqartoq pillugu paasissutissat ilanngullugit nassiunneqarnissaat pillugu Kalaallit Nunaannut inatsimmi ilaatinneqanngillat, Taakku assersuutigalugu tassaasinnaapput ingerlatsiviit aningaasanik nuussisartut.

Siunnersuutip imaraa, aningaasanik nuussinerit akiliuteqartup aqqanik, kontua normuaanik aamma najugaanik imaluunniit assersuutigalugu inuup normuanik piunasaqaatinik, aningaasanik nuussineq Kalaallit Nunaanniit Kalaallit Nunaata avataaniittumut nunami allami tiguisissamut nassiunneqarpat. Pisussaaffik taanna killeqarfiit akimorlugit akiliuteqarnernut piunasaqaatinut immikkut inassuteqaat nr. VII, Financial Action Task Force-mut (FATF) aamma aningaasanik nuussinermi akiliuteqartoq pillugu paasissutissat ilanngullugit nassiunneqartussat pillugit Råd-ip peqqussutaa nr. 1781/2006, 15. november 2006-imeersumut naapertuuppoq.

Peqqussut Danmarkimi toqqaannartumik atuuppoq, taamaattumik inatsisissatut siunnersuut Kalaallit Nunaanni taamaallaat atuutissaaq.

Aningaasanik nuussineq Kalaallit Nunaanni taamaallaat ingerlanneqarpat, taamaallaat piunasaqaatigineqarpoq, aningaasanik nuussineq akiliuteqartup kontup normuanik imaluunniit kinaassutsimut normumik allamik ingerlaqateqartinneqassasoq. Taamaasilluni inatsisissatut siunnersuut periarfissiivoq, akiliuteqarnermi aaqqiissuussineq atuuttoq, Danmarkip aamma Kalaallit Nunaata akornanni aningaasanik nuussinermi sulit atorineqarsinnaaneramik.

Kalaallit Nunaata iluani aningaasanik nuussinerit paasissutissanik killilinnik ingerlaqateqartinneqarpat, akiliuteqartup akiliuteqarnermi ingerlatsisua ullut pingasut iluanni akiliuteqartup aqqanik, najugaanik imaluunniit assersuutigalugu inuup normuanik tamakkiisunik tiguisissap akiliuteqarnermi ingerlatsisuanut atugassiisaaq.

Piunasaqaat atuutissanngilaq assersuutigalugu aningaasanut nuussinernut, kredit- imaluunniit debetkortit atorlugit ingerlanneqartunut, nioqqutissanik kiffartuussinernillu pisinermut atatillugu Kalaallit Nunaanni aningaasanik nuussinermi (girokortit aamma indbetalingskortit) imaluunniit kattuffinnut nuussinerni, arlaannik piunasaqaatitaqartunik nalinginnarnut iluaqutaasussanik siunertaqartunut.

2. Aningaasanik nuussinermi akiliuteqartoq pillugu paasissutissat sorliit ilaatinneqassanersut pillugu peqqussut

Aningaasanik nuussinermi akiliuteqartoq pillugu paasissutissat ilanngullugit nassiunneqartussat pillugit Europa-parlamentip aamma Rådip peqqussutaa (EF) nr. 1781/2006, 15. november 2006-imeersup (tamatum kingorna peqqussut 1781/2006) siunertaraa, aningaasanik iluanaarutinik unioqqutitsilluni pissarsiaasunik naapertuuttunngortitsinerup aamma peqqaarniisarniartunut aningaasalersuinerup pinaveersaartinnissai, misissornissai aamma nassaarinissai.

Aningaasanik nuussinermi akiliuteqartoq pillugu paasissutissat sorliit ilanngullugit nassiunneqarnissaat pillugu malittarisassani apeqqutaatinneqarpoq, aningaasanik nuussineq EU-p iluani imaluunniit avataatigut ingerlanneqarnerisq.

Aallaavittut akiliuteqarnermi ingerlatsisup akiliuteqartoq pillugu paasissutissat tamakkiisut ilanngullugit nassiutissavai paasissutissallu tamaasa misissussavai, nuussinerup ingerlanneqannginnerani. Paasissutissat tamakkiisut tassaapput akiliuteqartup aqqa, najugaa aamma kontu normua. Najugaanut taarsiullugu akiliuteqartup ulloq inuuia aamma inunngorfia, inuup normua imaluunniit sullitap kinaassusaannut normua taaneqarsinnaavoq. Kontu normuanut taarsiullugu akiliuteqartup akiliuteqarnermi ingerlatsisuata kinaassusersiut paatsuugassaanngitsoq atorsinnaavaa, nuussinermi akiliuteqartumut nassaarinnissinnaasoq.

EU-p iluani aningaasanik nuussinermi paasissutissat sorliit ilaatinneqarnissaannik piunasaqaatit killeqarput. Taamaattorli akiliuteqartup akiliuteqarnermi ingerlatsisuata tiguisissup akiliuteqarnermi ingerlatsisuata qinnuteqarneratigut paasissutissat tamakkiisut atugassanngortissavai.

Peqqussut 1781/2006 nunanut ilaasortaasunut periarfissiivoq, EU-mut ilaasortaannngitsunut piunasaqaatitalimmik nunap immikkoortuinut il.il. aningaasanik nuussinernik suliaqarnissamik nunap iluani nuussinerit assigalugit. Tamanna isumaqarpoq, assersuutigalugu Danmark-ip aamma Kalaallit Nunaata akornanni aningaasanik nuussinerit akiliuteqartoq pillugu ”paasissutissanik killilinnik” imaqarsinnaasoq. Danmark-ip aamma Kalaallit Nunaata akornanni aamma Kalaallit Nunaata Savalimmiullu akornanni akiliuteqarnerit nunap iluani akiliuteqarnerit aalajangiiffisassaannerat pillugu Kommissioni aalajangiisussaavoq. Peqqussummi artikel 17, imm. 1-imi Kommissionip akuersitinnagu pissutsit naammassineqartussat taaneqarput. Taamaasilluni piunasarineqarpoq,

- 1) Kalaallit Nunaat Danmark aningaasaqarnikkut suleqatigissagaa,
- 2) Kalaallit Nunaanni akiliuteqarnermi ingerlatsisut toqqaannartumik toqqaannanngikkaluartumilluunniit danskit akiliuteqarnermi ingerlatsinermullu aqqissuussinerannut peqataanissaa, aamma
- 3) Kalaallit Nunaanni inatsisiliornerup piunasarissagaa, Kalaallit Nunaanni akiliuteqarnermi ingerlatsisut peqqussummi aalajangersarneqartut malittarisassat atussagai.

Piunasaqaatit marluk siulliit naammassineqarput, aamma inatsisissatut matumani siunnersuutip peqataaffigissavaa, piunasaqaatip pingajuata naammassineqarnissaa.

Matumani inatsisip naammassineqarneratigut Danmarkip Kommissioni nalunaarfigissavaa, Kalaallit Nunaata artikel 17, imm. 1-imi piunasaqaatit naammassigai. Tamanna tunngavigalugu Kommissioni aalajangiisaaq, Kalaallit Nunaata Danmarkillu akornanni aamma Kalaallit Nunaata Savalimmiullu akornanni nuussinerit, nunap iluani nuussinerit akuerineqassanersut.

Inatsisip imarai malittarisassat, Kalaallit Nunaata aamma Danmarkip akornanni nuussinerit aamma Kalaallit Nunaata Savalimmiullu akornanni nuussinerit Kalaallit Nunaata iluani

anigaasanik nuussinertut naligiisitsisut. Malittarisassat taakku økonomi- og erhvervsministerimit aatsaat atuutilersinneqassapput Danmark, Kalallit Nunaata Danmarkillu akornanni nuussinerit aamma Kalaallit Nunaata Savalimmiullu akornanni nuussinerit nunap iluani nuussinertut Kommissioni akuersissuteqarpat.

Tamanna isumaqarpoq, inatsit marloriarluni atuutilersinneqassasoq. Inatsip annersaa, peqqussummi 1781/2006-imi atortussat pillugit malittarisassanik ingerlatsisoq, atuutilissaaq 1. juni 2010-mi. Danmarkip aamma Kalaallit Nunaata akornanni nuussinerit aamma Kalaallit Nunaata Savalimmiullu akornanni nuussinerit nunap iluani nuussinertut isigineqarsinnaaneri pillugit Kommissionip akuersissappat, piumasaqaataavoq atortussat pillugit malittarisassat Kalaallit Nunaanni atuuttuunissaat.

Kalaallit Nunaata aamma Danmarkip akornanni nuussinerit aamma Kalaallit Nunaata Savalimmiullu akornanni nuussinerit Kalaallit Nunaata iluani nuussinertut naligiisitsineq pillugu inatsimmi malittarisassat aatsaat ingerlanneqassapput, tamanna Kommissionip akuersissutigereerpagu. Taamaattumik inatsimmi atuutilerfissaanik ullormik ikkussisoqarpoq, Kommissionip akuersissuteqarniarpat økonomi- og erhvervsministerip malittarisassanik atuutilersitsineranik isumaqartumik. Taamaasilluni malittarisassat aatsaat atuutilersinneqarsinnaapput Kommissioni akuersissuteqareerpat.

Peqqusutip 1786/2006-ip aamma piumasaqaatigaa, akiliuteqarnermi ingerlatsisut akiliuteqartoq pillugu paasissutisat ukiuni tallimani toqqortarissagaat.

3. Imarisai

3.1. Inatsisip atuuffissaa

Inatsit atuutissaaq anigaasanik nuussinerni, Kalaallit Nunaanni akiliuteqarnermi ingerlatsisumit nassiunneqartunut imaluunniit tiguneqartunut.

Akiliuteqarnermi ingerlatsisoq tassaavoq inuinnag imaluunniit inatsisitigut ingerlatsisuusoq, ingerlatsivimmi anigaasanik nuussinermi kiffartuussinernik ingerlatsisuusoq. Akiliuteqarnermi ingerlatsisut, inatsisissatut siunnersuummi ilaatinneqartut tassaapput anigaaseriviit, taarsigassarsisitsisarfiit, fondsmæglersekskab-it, qarasaasiakkut anigaasanik nuussisarfiit, sparevirksomhed-it imaluunniit Kalaallit Nunaanni imaluunniit nunani allani ingerlatseqatigiiffinnut assingusunut immikkoortortaqaarfiit, ingerlatsivinnik taamaattunik aaqqiissuteqarneq naalagaaffimmut tunngassuteqarmat. ”Naalakkersuisut” (Kalallit Nunaanni Naalakkersuisut) inatsimmut matumunnga naapertuuttoq inatsisartut inatsisaat ingerlanniarpaat. Inatsisartut inatsisaanni ilaatinneqassapput akiliuteqarnermi ingerlatsisut, aaqqiiffigineqarnerat Namminersorlutik Oqartussanut tunngasuusoq. Assersuutigalugu anigaasanik nuussisartuq assersuutigalugu tassaavoq Western Union.

Anigaasanik nuussinermi anigaasanik iluanaarutiniq unioqqutitsilluni pissarsiaasunik naleqquttunngortitsiniaanissaq aamma peqqarniisarniarnermut anigaasalersuineq pillugit navianartorsiornermik annikinnerusoqartillugu, peqqusutikkut 1781/2006-ikkut periarfissaqarpoq, anigaasanik tamakkuninna nuussinerit atuuffissaanniit sanioqqunneqarnissaannut. Makku pineqarput:

- 1) Anigaasanik nuussinerit, kredit- imaluunniit debetkortit atorlugit ingerlanneqartut, akiliutinik tigusisussaq, assersuutigalugu pisiniarfiup akiliuteqarnermi ingerlatsisua isumaqatigiissusiorfigisimappagu, assersuutigalugu anigaaserivik, nioqqutissanik kiffartuussinernillu akiliuteqarnissamik periarfissamik, aamma nuussineq kortimik tigungminnittumik nassarinneqqissinnaappat.
- 2) Anigaasanik nuussinerit anigaasat qarasaasiakkoortut ikiortigalugit arlaannik piumasaqaatitallit.

- 3) Aningaasanik nuussinerit ilaat oqarasuaat ingerlattagaq, atortorissaarutit digitaliusut allat imaluunniit it-imi atortorissaarutit ikiortigalugit ingerlanneqartut.
- 4) Akiliiffissat kortit (indbetalingskort) atorlugit aningaasanik nuussinerit ilaat 7.500 kr.-t tikillugit (1.000 euro).
- 5) 1.125 kr.-t (150 euro) angullugit aningaasanik nuussinerit nalinginnaasunik siunertaqartunut kattuffinnut.
- 6) Nammineq kontorissamit aningaasanik tigusermi.
- 7) Illuatungeriit akuersissuteqareernerisigut debetoverførselini, aningaasanik nuussineq erseqqissumik akiluteqartumut nassaarinneqqissinnaappat (assersuutigalugu Betalingsservice).
- 8) Aningaasanik nuussinerit, qarasaasiakkut checkit nassiussatut ingerlanneqartut.
- 9) Pisortat oqartussaataannut akiluteqarnerit.
- 10) Namminneq akiligassaralugit iliuuseqartut, akiluteqarnermi ingerlatsisut akornanni aningaasanik nuussinerit.

3.2. Akiluteqartup akiluteqarnermi ingerlatsisuata pisussaaffii

Aallaavittut akiluteqartup akiluteqarnermi ingerlatsisuata qulakkiissavaa, aningaasanik nuussinerit akiluteqartoq pillugu paasissutissanik tamakkiisunik ilaqartinneqarnera. Paasissutissani tamakkiisuni ilaatinneqarput akiluteqartup aqqa, najugaa aamma kontu normua. Taamaattorli najugaa aamma kontu normua paasissutissanik allanik taarserneqarsinnaapput, nuussinerimik akiluteqartumut nassaarinneqqinninnissamik periarfissiisunik. Akiluteqarnermi ingerlatsisup akiluteqartoq pillugu paasissutissat tamarmiusut misissussavai aamma nalunaarsuiffiit, akiluteqartoq pillugu paasissutissanik tamakkiisunik imaqtut, ukiuni tallimani toqqortaralugit.

Taamaattoq Kalaallit Nunaata iluani aningaasanik nuussinerit akiluteqartup kontu normuanik imaluunniit paatsuugassaannngitsumik kinaassusersiummik ilaqartinneqassapput, nuussinerimik akiluteqartumut nassaarinneqqinninnissamik periarfissiisumik. Tigusisussap akiluteqarnermi ingerlatsisuata paasissutissat tamakkiisut qinnutigippagit, akiluteqartup akiluteqarnermi ingerlatsisuata paasissutissat taakku ullut suliffiusut pingasut iluini atugassiarissavai.

3.3. Tigusisussap akiluteqarnermi ingerlatsisuata pisussaaffii

Tigusisussap akiluteqarnermi ingerlatsisuata pisussaaffigaa paasissallugu, inatsisini piumasarineqartut aningaasanik nuussinerit paasissutissanik ilaqartinneqarnerat. Tigusisussap akiluteqarnermi ingerlatsisuata paasippagu, paasissutissat amigaataasut imaluunniit tamakkiisuunngitsut, akiluteqarnermi ingerlatsisoq aningaasanik nuussineq itigartissavaa imaluunniit akiluteqartoq pillugu paasissutissanik tamakkiisunik piunnaqassaaq. Paasissutissat piumasarineqartut akiluteqarnermi ingerlatsisup akuttunngitsumik tunniutinngitsoorpagit, tigusisussap akiluteqarnermi ingerlatsisuata iliuusissamik pilersaarusiussaaq, aamma tamanna pillugu Hvidvasksekretariati nalunaarfignissavaa.

Akiluteqartoq pillugu paasissutissat amingaataasut tamakkiisuunngitsulluunniit tigusisussap akiluteqarnermi ingerlatsisuata nuussinerup pasinartoqarnera pillugu naliliinerani aammattaq ilaatinneqassaaq, taamaattumillu aningaasanik iluanaarutit unioqutitsilluni pissarsiaasunik naleqquttunngortitsiniarneq pillugu inatsit naapertorlugit Hvidvasksekretariatet tamatuminnga nalunaarfigneqassaaq.

Tigusisussap akiluteqarnermi ingerlatsisuata akiluteqartoq pillugu paasissutissat tiguneqarsimasut nalunaarsuiffimmi ukiuni tallimani toqqortarissavai.

3.4. Akiluteqarnermi ingerlatsisup akunnermuliuttup pisussaaffii

Akiluteqarnermi ingerlatsisut akunnermuliuttuusut isumagissavaat, akiluteqartoq pillugu paasissutissat tigusatik tamaasa toqqortarinissaat aningaasanik nuussineq ilanngullugu. Akiluteqarnermi ingerlatsisoq akunnermuliuttuusooq tassaavoq akiluteqarnermi ingerlatsisoq,

akiliuteqartup imaluunniit tiguisussap akiliuteqarnermi ingerlatisorinngisaa, aamma aningaasanik nuussinermi peqataasuusq. Taanna tassaasinnaavoq korrespondentbanki.

Aammattaaq inatsisissatut siunnersuut imaqarpoq periarfissamik, Kalaallit Nunaanni akiliuteqarnermi ingerlatsisoq akunnermuliuttoq Kalaallit Nunaata avataani akiliuteqarnermi ingerlatsisunit aningaasanik nuusssanik ingerlatitseqqinnermi piumasaqaatigineqarsinnaammat, akiliuteqarnermi aaqqissuussineq teknikkikkut killilersuutitalik atornissaanut.

Naalagaaffimmut, kommuninut aamma nunap immikkoortuinut aningaasaqarnikkut allaffissornikkullu kingunissat

Inatsisissatut siunnersuut Finanstilsynimut annertunerusumik nakkutilliisoqarnissaanik kinguneqassaaq, inatsinik unioqqutitsisoqannginneranik nakkutilliisussamat. Annertusisamik nakkutilliineq aningaasaqarnikkut allaffissornikkullu pingaarutilimmik aningaasartuutaanissaa naatsorsuutigineqanngilaq, akiliuteqarnermi ingerlatsisuusut, inatsisissatut siunnersuummi ilaatinneqartut, Finanstilsynimit nakkutigisaareemata.

Siunnersuut kommuninut nunallu immikkoortuinut aningaasaqarnikkut allaffissornikkullu kinguneqassanngilaq.

5. Inuussutissarsiortunut il.il. aningaasaqarnikkut kingunissat il.il.

Siunnersuut inuussutissarsiortunut inuussutissarsiordermi aningaasaqarnikkut kinguneqartussaannngitsutut nalilerneqarpoq. Katuffiit nalinginnaasumik siunertallit iluanaarniarneq siunertaralugu sulinnngillat taamaattumillu inuussutissarsiordermik ingerlatsiviunatik, kisiannili kattuffiit nalinginnaasumik siunertallit aningaasanik nuusssanik tigunissamat periarfissaat, taakku inatsimmit ilaatinneqanngikkaluarlutik, kattuffiup Finanstilsynimi nalunaarsorsimanissaanik piumasaqaatitaqarmat. Nalunaarsuineq annikittumik akitsuummik attuumassuteqarpoq.

6. Inuussutissarsiortunut allaffissornikkut kingunissat il.il.

Inatsisissatut siunnersuut allaffissornikkut allannguinnermi nammatassanik aamma inatsimmi ilaatinneqartunik akiliutinik ingerlatsisunut ingerlaavartunik nammatassanik kinguneqarnissaa naatsorsuutigineqarpoq. Nammatassat ilaatigut tassaapput aaqqissuussinernik aamma niuernermit tunngasutigut naleqqussaanaasaaq ilaatigullu aningaasanik nuusssanermi ilanngullugit nassiunneqartussanik akiliuteqartoq pilugu paasissutissaqarneranik ingerlaavartumik nakkutilliineq. Pisussaaffiit tamakku Danmarkimi akiliuteqarnermi ingerlatsisunut pisussaaffiliunneqareernikuupput peqqussut 1781/2006 naapertorlugu.

Siunnersuut Erhvervs- og Selskabsstyrelsens Center for Kvalitet i ErhvervsReguleringimut (CKR) nassiunneqarpoq, siunnersuut Økonomi- og Erhvervsministeriap virksomhedspanelianut saqqummiunneqassanersoq pillugu naliliiffigineqarnissaa siunertaralugu. CKR-ip nalilerpaa, siunnersuut allaffissornikkut kinguneqartussaannngitsoq, taamaattumillu Økonomi- og Erhvervsministeriap virksomhedspanel-iisa ilaannut saqqummiunneqassanani.

7. Avatangiisinut tunngasutigut kingunissat

Inatsisissatut siunnersuut avatangiisinut tunngasutigut kinguneqassanngilaq.

8. Innuttaasunut allaffissornikkut kingunissat

Siunnersuutip kinguneraa, aningaasanik nuusssanermut atatillugu akiliuteqarnermi ingerlatsisuusut allaavittut akiliuteqartoq (sullitaq) pillugu paasissutissat tamakkiisut (ateq, najugaq aamma kontu normu) aallugillu misissortassagaat. Tamanna sullitap akiliuteqarnermi ingerlatsisumut kinaassutsimik uppernarsaasarnissaanik pisartussatut naatsorsuutigineqarpoq, assersuutigalugu kørekortiminik imaluunniit passiminik takutitsinermigut.

Kinaassutsimik uppernarsaanissamik annertusisamik piumasaqaatit, innuttaasunut allaffissornikkut annikitsumik pitsaanngitsumik kinguneqartussatut nalilerneqarpoq. Oqaatigineqassaq, akiliuteqarnermi ingerlatsisuusup misissuinissaanik piumasaqaat naammassineqartutut isigineqarmat, aningaasanik nuussineq akiliuteqarnermi ingerlatsisumi kontumit ingerlanneqarpat, kontu sullitap aqqa atorlugu ammarneqarsimappat, kontumik ammaanermut atatillugu sullitaq kinaanermisik uppernarsaasimappat. 7.500 kr.-t (1.000 euro) tikillugit nuussinerni, kontukkoortinneqangitsut, akiliuteqarnermi ingerlatsisup paasissutissat taamaallaat pissarsiarissavai, kisiannili misissortussaanaq.

Kommissionip akuersissuteqareerneratigut, inatsimmi malittarisassani Kalaallit Nunaata aamma Danmarkip akornanni aamma Kalaallit Nunaata Savalimmiullu akornanni soorluluttaaq nunap iluani aningaasanik nuussinernik imaqartut, atuutilissapput (tamanna pillugu imm. 2 ataa takuuk). Tamanna isumaqarpoq, aningaasanik nuussinermi paasissutissat killeqartut atuinneqartariaqassasut. Taamaaliornikkut innuttaasunut inatsimmilu ilaatinneqartut ingerlatsivinnut allaffissornikkut kingunerit annikillisinneqarsinnaapput.

9. Eqqartuussivitsigut EU-mut pisussaaffiit

Siunnersuummi malittarisassanik aalajangersaasoqarpoq, Europa-Parlamenti-mut aamma Rådip peqqussutaa nr. 1781/2006, 15. november 2006-imeersumut naapertuuttumik, aningaasanik nuussinermi akiliuteqartoq pillugu ilanngullugit nassiusassat paasissutissat pillugit. Peqqussut siunnersuummut ilanngussaq 1-itut isikkulerlugu ilanngunneqarpoq.

Peqqussut 1781/2006-imi piumasaqaatitalerlugu nunanut ilaasortaasunut periarfissiivoq, nunap ilaanut il.il., Fællesskabimut ilaasortaangitsunut, nuussinissanik suliarinnissinnaangorlugit, nunap iluani nuussinerit assigalugit. Tamanna isumaqarpoq, assersuutigalugu Danmarkip aamma Kalaallit Nunaata akornanni aningaasanik nuussinerit, akiliuteqartoq pillugu ”paasissutissanik killilinnik” taamaallaat imaqartinneqarnissaanik. Kommissioni tassaavoq, Danmarkip Kalaallit Nunaatalu akornanni nuussinerit nunap iluani nuussinertut isigineqassanersut pillugu aalajangiisussaq.

Peqqussummi artikel 17, imm. 1-imi pissutsit ilai taaneqarput, Kommissionip

akuersissuteqannginnerani naammassineqartussaasut. Taamaasilluni piumasaqaatigineqarpoq,

1) Kalaallit Nunaata Danmarki aningaasaqarnikkut suleqatigissagaa,

2) Kalaallit Nunaanni akiliuteqarnermi ingerlatsisut danskit akiliuteqarnermi aqqissuussinerannut aamma ingerlatsinerannut toqqaannartumik toqqaannangikkaluartumilluunniit peqataanissaat, aamma

3) Kalaallit Nunaanni inatsisiliornikkut piumasarineqassasoq, Kalaallit Nunaanni akiliuteqarnermi ingerlatsisut peqqussumi aalajangersarneqartutut malittarisassat assingi atussagaat.

Piumasaqaatit suulliit marluk naammassineqareerput, inatsisissatullu siunnersuutip matumap peqataaffigissavaa, piumasaqaatit pingajuata naammassineqarnissaa.

10. Tusarniaaneq

Inatsisissatut siunnersuut saqqummiunneqannginnermini makkunani tusarniaassutigineqarpoq:

Advokatrådet, Danmarks Nationalbank, Dansk Erhverv, Dansk Industri, Den Danske

Fondsmæglerforening, Erhvervs- og Selskabsstyrelsen, Finansforbundet, Finansministeriet,

Finansrådet, Forbrugerstyrelsen, Forbrugerrådet, Foreningen af J.A.K. Pengeinstitutter, FOREX,

Forsikring & Pension, Færøernes Hjemmestyre, Kalaallit Nunaanni Namminersorlutik Oqartussat,

Indsamlingsorganisationernes Branchekorganisation (ISOBRO), Lokale Pengeinstitutter,

Ministeriet for videnskab, teknologi og udvikling, PBS (Payment Business Services), PostDanmark,

Realkreditrådet, Regionale Bankers Forening, Sammenslutningen Danske Andelskasser,

Skatteministeriet, Hvidvasksekretariatet Statsministeriet aamma Western Union.

Inatsisissatut siunnersuut Kalaallit Nunaanni Namminersorlutik Oqartussat pillugit inatsimmi kapitali 5 naapertorlugu oqaaseqarfigisassanngorlugu Namminersorlutik Oqartussanut saqqummiunneqarpoq.

11. *Skiima eqikkagaq*

| | Kingunissat pitsaasut/aningaasartuutikinneruneq (Aappiuppat, annertussusaa allaguk | Kingunissat pitsaanngitsut/aningaasartuuteqarnerit Aappiuppat annertussusaa allaguk |
|--|---|--|
| Naalagaaffimmut, kommunimut nunallu immikkoortuinut aningaasaqarnikkut kingunissat | Soqanngilaq | Finanstilsynimut annertusisamik nakkutilliinissaq annertunngitsunik aningaasartuutaasussatut kinguneqarnissaanik naatsorsuutigineqarpoq, ingerlatsiviit inatsimmi ilaatinneqartut, nakkutigisaareermata |
| Naalagaaffimmut, kommunimut nunallu immikkoortuinut allaffissornikkut kingunissat | Soqanngilaq | Finanstilsynimut annertusisamik nakkutilliinissaq allaffissornikkut pingaarutilimmik aningaasartuutaasussatut kinguneqarnissaanik naatsorsuutigineqanngilaq, ingerlatsiviit inatsimmi ilaatinneqartut nakkutigisaareermata |
| Inuussutissarsiortunut il.il. aningaasaqarnikkut kingunissat | Siunnersuut inuussutissarsiortunut aningaasaqarnikkut kinguneqartussaannngitsutut nalilerneqarpoq. Kattuffiit nalinginnaasumik iluaqutaasut aningaasanik iluanaarniarnissaq siunertaralugu sulinngillat taamaattumillu inuussutissarsiortutut ingerlatsiviunatik, kisianni kattuffiit nalinginnaasumik iluaqutaasut aningaasanik nuussanik tigusaqarnissaanik periarfissaq, inatsimmit ilaatinneqanngikkaluarlutik, piumasaqaatitaqarpoq, katuffiup Finanstilsynimi nalunaarsorsimanissaanik. Nalunnaarsortinneq akiitsuummik annertunngitsumik attuumassuteqarpoq. | |

| | | |
|--|---|--|
| Inuusutissarsiortunut il.il. allaffissornikkut kingunissat | Soqanngilaq. | Kalaallit Nunaanni akiliutinik ingerlatsisut aaqquussuussinernik aamma niuernermi tunngasutigut naleqqussassapput aamma ingerlaavartumik nakkutigissavaat, aningaasanik nuussinermi akiliuteqartoq pillugu paasissutissanik ilanngullugit nassiunneqartussanik paasissutissaqarnermaq. Kalaallit Nunaanni katuffiit nalinginnaasumik iluaqutaasut aningaasanik nuusssanik tigusaqarnissaannut periarfissaq, taakku inatsimmi ilaatinneqanngikkaluartut, piunasaqaatitaqarpoq katuffiup Finanstilsynimi nalunaarsorsimanissaanik. |
| Avatangiisinut tunngasutigut kingunissat. | Soqanngilaq. | Soqanngilaaq. |
| Innuttaasunut allaffissornikkut kingunissat. | Soqanngilaq. | Kinaassutsimik uppernarsaanissaq annertussisaaq. |
| Eqqartuussivitsigut EU-mut pisussaaffiit. | Siunnersuummi aalajangersarneqarput malittarisassat, Europa-Parlamentip aamma Rådip peqqussutaa (EF) nr. 1781/2006, 15. november 2006-imeersumut, aningaasanik nuussinermi akiliuteqartoq pillugu paasissutissat ilanngullugit nassiussat pillugit, naleqquttut. Siunnersuut peqataavoq, artikel 17-imi pumasaqaatit ilaasa ataatsip naammassineqarneranut, Danmarkip aamma Kalaallit Nunaata akornanni aningaasanik nuussinerit Danmarkip iluani aningaasanik nuussinertut naligiisinneqarnissaa siunertaralugu. | |

Inatsisissatut siunnersuummi malittarisassanut ataasiakkaanut oqaaseqaatit

§ 1-imut

§ 1 peqqussut 1781/2006-imi artikel 3, imm. 1 – 5-imut naapertuuppoq.

Imm. 1 malillugu aningaasanik nuussinert, nunap aningaasai, Kalaallit Nunaanni akiliutinik ingerlatsisumit/mut nassiunneqartut imaluunniit tiguneqartut apeqqutaatinnagu, ilaatinneqarput. Akiliuteqarnermi ingerlatsisoq tassaavoq, siunnersuummi § 5, imm. 1, nr. 3-mi nassiuatigineqartoq malillugu, inuk imaluunniit inatsisitigut ingerlatsisuusoq, suliffeqarfia aningaasanik nuussinernik kiffartuussiviusoq. Akiliuteqarnermi ingerlatsisoq, inatsisissatut siunnersuummi ilaatinneqartoq, tassaavoq aningaaserivik, taarsigassarsisitsisarfik, fondsmæglerselskab, qarasaasiakkut aningaasanik nuussisarfik, sparevirksomhed imaluunniit Danmarkimi, Kalaallit Nunaani imaluunniit nunani allani ingerlatseqatigiiffinnut assingusunut immikkoortortaarfik,

ingerlatseqatigiiffinnik naleqqussaaneq naalagaaffimmut suliaasamat. Aningaaserivittut, taarsigassarsisitsisarfitut, fondsmæglerselskab-isut, qarasaasiakkut aningaasanik nuussisarfitut, sparevirkksomhed-itut ingerlataqarneq Finanstilsynimit akuerineqartussaasoq, tak. aningaasarsiornermik ingerlatsineq pillugu inatsit, Kunngip peqqussutaatigut Kalaallit Nunaannut atuuttussanngortinneqartoq.

Kalaallit Nunaanni Namminersorlutik Oqartussat matumani inatsisissatut siunnersuummut naapertuuttumik inatsisartut inatsisaannik ingerlanniarpaa. Inatsisartut inatsisaata akiliuteqarnermi ingerlatsisut, naleqqussaaneq Namminersorlutik Oqartussanit suliaasaasuusut, ilaatinniarsariarpai. Assersuutigalugu tassaasinnaapput aningaasanik nuussinermik ingerlatsiviit.

Imm. 2-mi ilaatinneqanngillat aningaasanik nuussinerit, kredit imaluunniit debet kort atorlugit ingerlanneqartut arlaannik piunasaqaatitaqartut. Tigusisussap (assersuutigalugu pisiniarfik) aamma akiliuteqarnermi ingerlatsisup (assersuutigalugu aningaaserivik) akornanni isumaqatigiittoqarsimassaaq, kredit- aamma debetkort atorlugit sullitamiit nioqutissanut kiffartuussinernullu akiliutit tigusisussap tigusisinnaaneraniq periarfissiisumik. Tamatumunnga assersuutaasinaavoq, Dankort, VISA-kort, MasterCard, EuroCard assigisaaluunniit kredit- aamma debetkort atorlugit nioqutissanut kiffartuussinernullu akiliut.

Aammattaq piunasaqaataavoq, aningaasanik nuussineq paatsuugassaannngitsumik kinaassusersiummik ilaqaatinneqarnissaa, taamaasilluni naatsorsuutiniq allattuinerik nassaarinnittoqarsinnaaniassamat, aningaasanik nuussinermik aamma akiliummik (betalingskort) ataatsimut kattutsitsisumik. ”Paatsuugassaannngitsumik kinaassusersiut” siunnersuummi § 5, nr. 7-imi nassuiarneqarpoq.

Imm. 3. malillugu aningaasanik nuussinerit ilaatinneqanngillat, qarasaasiakkut aningaasat nassiussat ikiortigalugit ingerlanneqartut 7.500 kr.-usut (1.000 euro), kortinut immeqqinneqarsinnaannngitsuni annerpaamik 1.125 kr.-t (150 euro) toqqortarineqarsinnaappata, imaluunniit kortinut immeqqinneqarsinnaasuni qaammasiutini ukioq naallugu annerpaamik 18.750 kr.-t (2.500 euro) toqqortarineqarsinaappata, aamma qaammatsiutini ukioq naallugu annerpaamik 7.500 kr.-t (1.000 euro) aningaasannngortinneqarsinnaappata.

”Qarasaasiakkut aningaasat” aningaasarsiornermik ingerlataqarneq pillugu inatsimmi § 308, imm. 1, oqaaseqatigiit aappaanni aamma pingajuanni nassuiarneqarput, aningaasarsiornermik ingerlataqarneq pillugu Kalaallit Nunaannut atuutilersinneqarnissaa pillugu Kunngip peqqussutaatigut nr. 1252, 15. december 2004-meersukkat Kalaallit Nunaannut atuuttussanngortinneqartumi. Taanna malillugu qarasaasiakkut aningaasat ima paasineqassapput, aningaasat nalingat, atsiortumut piunasaqarnikkut ilisaritinneqartut, qarasaasiakkullu toqqortarineqartoq. Qarasaasiakkoortut aningaasat nalingi sinnerlugit atsiorneqassanngillat atsiortumiinngitsoq allamiit akiliutit akuerineqarsimasooq.

Kunngip peqqussutaatigut Kalaallit Nunaannut atuuttussanngortinneqartumi aningaasarsiornermik ingerlataqarneq pillugu inatsimmi § 309 malillugu, qarasaasiakkut aningaasanik atsiortoq qarasaasiakkut aningaasanik 2.250 kr.-t (300 euro) sinnerlugit nalilinnik atsiqqusaanngilaq. § 309-mut oqaaseqaatini takuneqarsinnaavoq, ineriartorneq ilutigalugu aningaasat killingat qaffakkiartorneqassasoq. Taamaattumik matumani inatsisissatut siunnersuummi siunnersuutigineqarpoq, 7.500 kr.-t (1.000 euro) killigitinneqarnissaa, peqqussut 1781/2006-meersukkat aalajangersarneqartut. Massakkuugallartoq Kalaallit Nunaanni Danmarkimilu qarasaasiakkut aningaasanik peqartoqanngilaq.

Imm. 4 malillugu imm. 3 eqqaasangikkaani inatsit atuutinneqanngilaq, aningaasanik nuussinernut oqarasuaatit angallattakkat imaluunniit atorissaarutit digitaliusut ikiortigalugit ingerlanneqartunut,

taakku siumut akilerneqareersimagaangata aamma 1.125 kr.-t (150 euro) qaangerneqarsimangippata.

Imm. 5-p imaraa sanioqqutitsineq isumaqartoq, oqarasuaatit angallattakkat imaluunniit atortorissaarutit digitaliusut imaluunniit qarasaasiat atorlugit kingusissukkut aningaasanut nuussinernut inatsit atuutinneqassanngitsoq. Sanioqqutitsinissamut piumasaqaatit imm. 2-mi taaneqartut assigai kiisalu akiliuteqarnermi ingerlatsisuusq Kunngip peqqussutaatigut Kalaallit Nunaannut atuutilersinneqartumi aningaasanik iluanaarutininik unioqqutitsilluni pissarsiaasunik naapertuuttunngortitsinerup aamma peqqaarniisarniartunut aningaasalersuinerup pinaveersaartinnissai pillugit inatsimmi pisussaaffinnut ilaatinneqarnissaa. Aningaasanik iluanaarutininik unioqqutitsilluni pissarsiaasunik naapertuuttunngortitsineq pillugu inatsit nr. 348, 9. ajuni 1993-imeersoq, aningaasanik iluanaarutaasunik unioqqutitsilluni pissarsiaasunik naapertuuttunngortitsineq pinaveersaarneqarnera pillugu inatsimmi, Kunngip peqqussutaatigut nr. 575, 6. juni 1996-imeersukkut Kalaallit Nunaannut atuutilersinneqarpoq, kisianni aningaasanik nuussinermi akiliuteqartoq pillugu paasissutissat ilanngullugit nassiunneqartussat pillugit inatsisiip Kalaallit Nunaannut atuutilersinneqarnissaanik piffissami naatsorsuutigineqarpoq, aningaasanik iluanaarutininik unioqqutitsilluni pissarsiaasunik naapertuuttunngortitsinerup aamma peqqaarniisaarniartunut aningaasalersuinerup pinaveersaartinnissai pillugit danskit inatsisaat Kunngip peqqussutaatigut Kalaallit Nunaannut atuutilersinneqarnissaa, taamaattumillu taanna innersuussutigineqarpoq.

§ 2-mut

§ 2-mi malittarisassatut siunnersuut peqqussut nr. 1781/2006-imeersumi artikel 3, imm. 6-imut naapertuuppoq, nioqqutissanik kiffartuussinermillu 7.500 kr.-t (1.000 euro) pisinermut atatillugu nunap iluani aningaasanik nuussinerni akiliuteqartoq pillugu paasissutissanik piumasaqaatinik ilanngussaqaannginnissamik periarfissiisooq, tak. peqqussummi artikel 2, imm. 2, litra b. Ilanngussaqaannginnermi assersuutigalugu pineqarput girot aamma akiliutit ilaat.

Ilanngussaqaannginnissamik periarfissamik piumasaqaatigineqarpoq, akiliummik ingerlatitseqqittoq inuk imaluunniit ingerlatsivik, Kalaallit Nunaannut aningaasanik iluanaarutininik unioqqutitsilluni pissarsiaasut naapertuuttunngortinniarneqarnerat pillugu inatsimmi piumasaqaatinut ilaatinneqarnissaannik.

Inatsisissatut siunnersuummi aningaasanik iluanaarutininik unioqqutitsilluni pissarsiaasunik naapertuuttunngortinniaaneq aamma peqqarnissaarnianik aningaasalersuineq pillugit pinaveersaartitsineq pillugu inatsisiliornermut innersuussisoqaraangat, inatsisip atuutilerfiani makku inatsisit pingasut ilaatinneqarnissaat naatsorsuutigineqartarpoq:

- 1) Aningaasanik iluanaarutininik unioqqutitsilluni pissarsiaasunik naapertuuttunngortitsiniaaneq aamma peqqarnissaarnianik aningaasalersuineq pillugit pinaveersaartitsinissamut iliuusissat pillugit danskit inatsisikkut nalunaarutaat nr. 806, 6. august 2009-meersoq.
- 2) Aningaasanik iluanaarutininik unioqqutitsilluni pissarsiaasunik naapertuuttunngortitsiniaaneq aamma peqqarnissaarnianik aningaasalersuineq pillugit pinaveersaartitsinissamut iliuusissat pillugit danskit inatsisaat Kunngip peqqussutaatigut Kalaallit Nunaannut 1. juni 2010-mi atuuttussanngortinneqartussatut naatsorsuutigineqartoq.
- 3) Aningaasanik iluanaarutininik unioqqutitsilluni pissarsiaasunik naapertuuttunngortitsiniaaneq aamma peqqarnissaarnianik aningaasalersuineq pillugit pinaveersaartitsinissamut pineqaatissiinerit pillugit Inatsisartut inatsisaat, ulloq 1. juni 2010-mi Kalaallit Nunaanni Naalakkersuisut atuutilersitsinissaattut naatsorsuutigineqartoq.

Assersuutigalugu Kalaallit Nunaanni aningaaseriviit aningaasanik iluanaarutininik unioqqutitsilluni pissarsiaasunik naapertuuttunngortitsiniaaneq pillugu inatsimmi ilaatinneqarput, Kunngip peqqussutaatigut Kalaallit Nunaannut atuuttussanngortinneqartumi.

Tamatuma saniatigut piumasaqaataavoq, akiliutinik tiguisussap akiliuteqarnermi ingerlatsisua periarfissaqassasoq, aningaasanik nuussinermi aningaasanik akiliutaasunik akiliuteqartup nassaareqqinneqarnissaanik. Taamaattumik piumasaqaataavoq, akiliutinik tiguisup aamma akiliutinik akiliuteqartup akornanni isumaqatigiissuteqartoqassasoq, akiliutinik tiguisumit paasisutissat ikiortigalugit akiliuteqartup nassaarineqaqqinnissaanik. Nioqqutip imaluunniit kiffartuussinerup tunniunneqannginnerani, taamaattumik kiffartuummik akiliuteqartup (sullitap) aamma akiliutinik tiguisup (pisiortorfik) akornanni isumaqatigiissuteqartoqarsimassaaq.

Malittarisassami imm. 2-mi Kalaallit Nunaata Danmarkillu akornanni aamma Kalaallit Nunaata Savalimmiullu akornanni nuussinert nunap iluani nuussinernut naligiissinneqarput. Naligiissitsineq Kommissionimit akuerineqarnissaa piumasarineqarpoq, taamaattumik malittarisassaq Kommissioni akuersissuteqareerneratigut økonomi- og erhvervsministerimit aatsaat atuutinneqalersinnaavoq (tamanna pillugu erseqqinnerusumik takuuk oqaaseqatigiinni nalinginnaasuni oqaaseqatigiit aappaat).

§ 3-mut

§ 3-mut siunnersuut, peqqussut 1781/2006-imi artikel 18-imut naapertuuppoq, taanna malillugu 1.125 kr.-t (150 euro) tikillugit aningaasanik nuussinerni akiliuteqartoq pillugu paasisutissanik ilanngussinngitsoornissamik periarfissiisoqarpoq kattuffinnut nalinginnaasumik siunertaqartunut. Malittarisassaq tunngaveqarpoq kattuffiit nalinginnaasumik siunertallit naak nassitsisumik ilisarnaatit pillugit piumasaqaat naammassinngikkaluarlugu tapiissutinik tiguisinnaanerannut pisariaqanngitsunik ajoqutissarsiorningissaaq eqqarsaatigalugu.

§ 3-mi ilanngussinngitsoorsinnaaneq Kalaallit Nunaanni kattuffinnut nalinginnaasumik siunertaqartunut taamaallaat atuuppoq. Tamanna assersuutigalugu ikiuiniaqatigiinnut, kattuffinnut upperisamik aamma ilinniagaqarnermik sammisalinnut kiisalu timersoqatigiiffinnut tunngatinneqarpoq. Malittarisassami ikiuiniaqatigiit periarfissinneqarput katersuuniarnissamik aaqqissuussinissamut, nassitsisoq pillugu uppersaasat amigaataasut pissutigalugit tapiissutaasut itigartinneqartannginniassammata.

Imm. 1, nr. 3 aamma 4 malillugu ilanngussinngitsoornermi naatsorsuutigineqarpoq, kattuffiup pineqartup naatsorsuussiortussaananermik piumasaqarfigineqarnissaanik, kiisalu kukkunersiuisunik avataaneersunik imaluunniit pisortat oqartussaataitaanit nakkutigineqartuunissaat. Naatsorsuussiortussaananermik piumasaqaat ima paasineqassaaq, kattuffiup inatsit naapertorlugu imaluunniit nammeneq malittarisassiornermik malillugu naatsorsuussiortussaana. Avataaneersunik kukkunersiuisoqarnissaa ima paasineqassaaq, kukkunersiuiueq naalagaaffimmit akuerisaasumit kukkunersiuisumit imaluunniit kukkunersiuisumit nalunaarsorsimasumit ingerlanneqassasoq. Malittarisassami kattuffiit tapiissutinik atuisinnaanerat imaluunniit inunnik ikiuiniarnerat il.il. sunnerneqanngillat.

Imm. 2-mi malittarisassami Kalaallit Nunaata Danmarkillu akornanni aamma Kalaallit Nunaata Savalimmiullu akornanni nuussinert nunap iluani nuussinernut naligiissinneqarput. Naligiissitsineq Kommissionimit akuerineqarnissaa piumasarineqarpoq, taamaattumik malittarisassaq Kommissioni akuersissuteqareerneratigut økonomi- og erhvervsministerimit aatsaat atuutinneqalersinnaavoq (tamanna pillugu erseqqinnerusumik takuuk oqaaseqatigiinni nalinginnaasuni oqaaseqatigiit aappaat). Imm. 1-imi ilaatitsinngitsoornissamik atuinissamut *imm. 3-mi* piumasarineqarpoq, kattuffiup Finanstilsynimi nalunaarsornissaa uppersarsarlugulu, kattuffiup naatsorsuussiortussaaneq aamma avataaniit kukkunersiuisoqarnissaanik imaluunniit pisortat oqartussaataitaanit nakkutigeqarnissaaq pillugit piumasaqaatit naammassisimagai.

Aammattaaq imm. 3-mi piumasarineqarpoq, kattuffiup inuit, kattuffiup qullersarisai imaluunniit ingerlatsivimmik nakkutilliisuusut pillugit paasissutissiinissaa. Paasissutissat soorlu ateq, najugaq atorfillu pillugit paasissutissiisutigineqassapput. Pissutsinik taaneqartunik allanngineq Finanstilsynimut nalunaarutigineqassapput.

Imm. 3-mi piumasaqaatinut tunngavilersuutigineqarpoq, peqqussummi artikel 18 naapertorlugu Finanstilsyni Kommissioni nalunaarfigissavaa, ilaatitsinngitsoornissamik malittarisassaq atornerqarpat. Aammattaaq Finanstilsynip Kommissioni kattuffiit, ilaatitsinngitsoornissamik pineqartut, allattorsimaffiannik tunissavaa, kattuffimmik nakkutilliisuusut inuit aqqi paasissutissiisutigalugit, kiisalu nassuiassallugu allattorsimaffik qanoq nutarterneqartarnersoq.

Kattuffiit nalunaarsorsimasut allattorsimaffiat tamanut saqqummiunneqassaaq aamma Finanstilsynip nittartagaani ingerlaavartumik nutarterneqartassaaq ilaatigut inunnut ingerlatsivinnullu, aningaasanik allanillu nalilinnik nuussisartunut ilaatigullu oqartussaasunut, aningaasanik iluanaarutunik unioqutitsilluni pissarsiaasunut naapertuuttunngortitsiniaanermik aamma peqqarniisaarnianik aningaasalersuineramik akiuiniartunut atugassanngorlugit.

Allattorsimaffimmut ilanngunneq akitsuummumut attuumassuteqarpoq, Finanstilsynimut akilernerqartussaq. Qinnuteqaammumut ataatsimi akitsuut aalajangersimasoq pineqarpoq. 2007-imi kisitsisit atorlugit qinnuteqarnermi ataatsimi akitsuut 900 kr.-qarpoq. Akitsuut ukiumoortumik naleqqussarneqartarpoq, aningaasanut inatsimmi Finanstilsynimut aningaasaliissut ineriartornerannut naapertuuttumik.

„Non-profit-organisationer“ kattuffiit nalinginnaasumik siunertallit peqqarniisaarniarnerup aningaasaliiffiginissaanut patsisipalaattut atornerqarnissai pinaveersaartinniarlugu Financial Action Task Force on Monday Laundering (FATF) immikkut ittunik malittarisassiorsimaneranut § 3 ataqatigiissinneqassaaq.

§ 4-mut

§ 4-mi taagorneqarput aningaasanik nuussinerit, inatsimmit ilaatinneqanngitsut. Malittarisassaq peqqussut 1881/2006-imeersumi artikel 3, imm. 7-imut naapertuuppoq.

Nr. 1 malillugu aningaasanik nuussinerit ilaatinneqanngillat, akiliuteqartoq nammineq kontuminit aningaasanik tigusitillugu.

Nr. 2-mi aningaasanik nuussinerit ilaatinneqanngillat, illua tungeriit akornanni debetoverførsel pillugu akuersissuteqartoqartillugu, illua tungeriit akornanni kontukkut akiliuteqarnissamik periarfissiisumik, aningaasanik nuussinerimik pineqartumik paatsuugassaannngitsumik kinaassusersiummik ilaqartinneqaraangat, inuinnarmik imaluunniit inatsisitigut ingerlatsisuusumik nassaarinneqinninnissamik periarfissiisumik. Tamanna assersuutigalugu akiliuteqarnernut, PBS aqqutigalugu ingerlanneqartunut.

Nr. 3 malillugu qarasaasiakkut nassiunneqartut checkit ilaatinneqanngillat.

Nr. 4 aamma 5 malillugit Kalaallit Nunaata, Danmarkip Savalimmiullu iluani akileraarutinit, akiliisitsinernut akitsuutinulluunniit allanut pisortat oqartussaataannut akiliutigalugit aningaasanut nuussinerit ilaatinneqanngillat. *Nr. 5* Kommissionip akuersissuteqarnissaanik piumasaqaatitaqarpoq, taamaattumik malittarisassaq taanna økonomi- og erhvervsministerimit Kommissionip akuersissuteqareerneratigut aatsaat atuutilersinneqarsinnaavoq, tak. oqaaseqatigiit aappaat.

Akiliuteqarnermi ingerlatsisuusut, nammineq akiligassaralugu iliuseqartut, akornanni aningaasanik nuussinerit *nr. 6-imi* ilaatinneqanngillat.

§ 5-imut

§ 5-ip imaraa akiliuteqartoq, tiguisussat, akiliutinik ingerlatsisuusut, akiliutinik ingerlatsisuusut akunnermuliuttut, aningaasanik nuussinerit, batchfiloverførsel, paatsuugassaangitsumik kinaassusersiuut, inatsimmi ilaatinneqartut nassuiarneqarput. Nassuiaanerit peqqussut 1781/2006-imi artikel 2, nr. 3-9-mut naapertuupput.

§ 6-imut

§ 6-ip imaraa, aningaasanik iluanaarutaasunik unioqqutitsilluni pissarsiaasunik naapertuuttunngortitsiniarnerup qanoq paasineqarnissaa nassuiarneqarpoq.

Malittarisassami innersuussutigineqarpoq aningaasanik iluanaarutinik unioqqutitsilluni pissarsiaasunik aamma peqqarniisarnianik aningaasalersuinerup pinaveersaartinnissaat pillugit inatsimmi nassuiaatit, Kunngip peqqussutaatigut Kalaallit Nunaannut atuutilersinneqartoq. Aningaasanik iluanaarutinik unioqqutitsilluni pissarsiaasunik pinaveersaartitsineq pillugu inatsit nr. 348, 9. juni 1993-imeersoq atuutilersinneqarpoq, aningaasanik iluanaarutinik unioqqutitsilluni pissarsiaasunik pinaveersaartitsineq pillugu Kunngip peqqussutaatigut nr. 575, 6. juni 1996-imeersukkut, kisianni aningaasanik nassiussineri akiliuteqartoq pillugu paasissutissat ilanngullugit nassiunneqartussat inatsisip Kalaallit Nunaanni atuutilernerani piffissami naatsorsuutigineqarpoq, aningaasanik iluanaarutinik unioqqutitsilluni pissarsiaasunik aamma peqqarniisarnianut aningaasalersuineq pillugit pinaveersaartitsineq pillugu danskit inatsisaat, Kunngip peqqussutaatigut Kalaallit Nunaannut atuutilersinneqarsimassasoq, taamaattumik taanna innersuussutigineqarpoq. Aningaasanik iluanaarutinik unioqqutitsilluni pissarsiaasunik nassuiaatit artikel 1, imm. 2-mi nassaarineqarsinnaapput, aningaasanik iluanaarutinik unioqqutitsilluni pissarsiaasunik aamma peqqarniisaarnianut aningaasalersuineq pillugit aningaasarsiornikkut aaqqissuussineri atuineq pinaveersaarniarlugit Europa-Parlamentip aamma Rådip maleruagassaqia 2005/60/EF-imi artikel, imm. 4 aamma 5-imut ataqatigiissinneqassapput (3. hvidvask pillugu maleruagassaq).

Malittarisassami allaaserineqarpoq, oqaatsit „aningaasanik iluanaarutinik unioqqutitsilluni pissarsiaasunik naapertuuttunngortitsineq“ suut matussusernerai. Allaaserinninneq pinerluttulerineri inatsimmi § 111-imi, tillitanik pisineq pillugu malittarisassamik aallaaveqarpoq.

Kalaallit inatsisaanni pinerluttulerineri inatsisitigut aningaasanik iluanaarutinik unioqqutitsilluni pissarsiaasunik tunngasutigut taaguutit, siusinnerusukkut pinerluuteqartumit (assersuutigalugu tillinniarnermi) iliuitsit ilaatinneqanngillat, akerlianik tamanna maleruagassami taaguutit ilaatinneqarlutik, pinerluuteqarnermik akiuiniarnermut atugassanngorlugit nalunaarutiginninnerit pisariaqartinneqarmata, iliuseqaqqaartoq inullunniit alla aningaasanik iluanaarutinik unioqqutitsilluni pissarsiaasunik iliuseqaraluarpallunniit.

Kunngip peqqussutaatigut Kalaallit Nunaannut atuuttussanngortinneqartumi aningaasanik iluanaarutinik unioqqutitsilluni pissarsiaasunik aamma peqqarniisarnianik aningaasalersuineq pinaveersartinniarlugit inatsimmi nassuiaammik taamaattumik ilaatinneqarpoq iliuseqartoq nammineq pissarsiaminik atuisinnaanera, danskit inatsisaanni tillittutut pineqaatissiissutaaneq ajormat, siusinnerusukkut pinerluuteqarnermut pineqaatissiineq pinerluttulerinerimik inatsisitigut akisussaatisoqartarmat, aamma kingusinnerusukkut atuineri attuumassuteqartunut.

Malittarisassami pissutsit, akiliuteqarnermi ingerlatsisuup eqqumaffigissasai pineqarput. Aningaasanik iluanaarutinik unioqqutitsilluni pissarsiaasut sorliit pineqarneri pillugu apeqquut,

nalunaaruteqartussaannermik ilaqartoq, aningaasanik iluanaarutiniq unioqutitsilluni pissarsiaasunik aamma peqqarniisaarnianik aningaasalersuineq pillugu pinaveersaartitsineq pillugu inatsimmi § 7, imm. 1-imi naleqqussarneqarpoq, Kunngip peqqussutaatigut Kalaallit Nunaannut atuuttussanngortinneqartumi.

§ 7-*imut*

§ 7-*imi* nassuiarneqarpoq, inatsimmi peqqarniisaarniarneq aamma peqqarniisaarnianik aningaasalersuineq qanoq paasineqassanersoq. Malittarisassami Kalaallit Nunaanni pinerluttulerinermik inatsimmi §§ 28 aamma 30 innersuussutigineqarput.

§ 8-*mut*

§ 8 peqqussut 1781/2006-imi artikel 4-*mut* naapertuuppoq.

Aningaasanik nuussineq nassaarisinnaaniarlugu akiliuteqartoq pillugu paasissutissanik tamakkiisunik nassiussisoqassaaq ilanngullugit tiguisussap akiliuteqarnermi ingerlatsisuanut aningaasat nuussat.

Paasissutissat tamakkiisut tassaapput ateq, najugaq aamma kontu normu. Najukkamut taarsiullugu akiliuteqartup ulloq inuuffia, nunalu inunngorfia, kundeidentifikationsnormua imaluunniit inuup normua (CPR-normua) atorneqarsinnaapput. Akiliuteqartoq kontu normuqanngippat, paatsuugassaannngitsumik kinaassusersiut alla atorneqarsinnaavoq. Nuussinermi akiliuteqartoq nassaarinissaanut periarfissaassaaq. Kinaassusersiut paatsuugassaannngitsoq siunnersuummi § 5, nr. 7-imi nassuiarneqarpoq.

§ 9-*mut*

Aningaasanik nuussinermi paasissutissat nalunaarsuinerlu

§ 9 peqqussut 1781/2006-imeersumi artikel 5-*imut* naapertuuppoq.

Imm. 1-imi siunnersuutigineqarpoq akiliuteqarnermi ingerlatsisuusup qulakkiissagaa, aningaasanik nuussineq akiliuteqartoq pillugu paasissutissanik paatsuugassaannngitsunik ilaqartinneqassasoq.

Imm. 2 malillugu akiliuteqarnermi ingerlatsisuusup paasissutissat tamaasa misissussavai, nuussisoqartinnagu. Tamanna pissaaq uppersaatait, paasissutissat imaluunniit tutsuiginartumit aamma arlaannaannulluunniit attuumassuteqanngitsumit paasissutissat atorlugit. Inunnut, Kalaallit Nunaanni najuganngitsunut inuup normuanut (CPR-normu) taarsiullugu assersuutigalugu tassaasinnaavoq passip normua imaluunniit biilersinnaanermut allagartaq ulloq inuuffimmik aamma inunngorfik (inunngorneq pillugu paasissutissat) assigisaanilluunniit kinaassusersiutit paatsuugassaannngitsut normut inunngornermi paasissutissanik ilallugit. Inunngornermut paasissutissat pisariaqartuupput paasiniaanissaq pissutigalugu. Ingerlatsivinnut tunngatillugu ingerlatsivimmik kinaassusersineq aqqa, najugaq aamma Kalaallit Nunaanni GER-normu imaluunniit normu alla, ingerlatsivimmik kinaassusersinissamut naleqquttuusoq atorneqarsinnaapput. Ingerlatsivinnut, Kalaallit Nunaanni angerlarsimaffeqanngitsunut, kinaassusersiutit assigusut, assersuutigalugu nalunaarsuinermi normu, kinaassusersineqarsinnaasoq atorneqarsinnaavoq.

Imm. 3, nr. 1 malillugu nakkutiginninnissamik piumasaqaat naammassineqartutut isigineqarsinnaavoq, aningaasanik nuussineq kontumiit ingerlanneqarsimappat, sullitap aqqanik

ammarneqarsimasoq, kontumik ammaanermut atatillugu sullitaq kinaassusersineqarsimappat, kiisalu paasissutissat aningaasanik iluanaarutaasunik unioqquitsilluni pissarsiaasut pillugit inatsimmi kinaassutsi pillugu paasissutissat toqqortarineqarnissaannut pisussaaffiit il.il. naapertorlugit toqqortarineqarpata. Pisussaaffiit taakku nassaarineqarsinnaapput aningaasanik iluanaarutinik unioqquitsilluni pissarsiaasunik aamma peqqarniisaarnianik aningaasalersuinerup pinaveersaartinneqarneri pillugit inatsimmi § 23-mi, Kunngip peqqussutaatigut Kalaallit Nunaannut atuuttussanngortinneqartumi. Aningaasanik iluanaarutinik unioqquitsilluni pissarsiaasunik pinaveersaartitsineq pillugu inatsit nr. 348, 9. juni 1993-imeersoq Kunngip peqqussutaatigut nr. 575, 6. juni 1996-imeersukkut Kalaallit Nunaannut atuuttussanngortinneqarnera pillugu aningaasanik iluanaarutinik unioqquitsilluni pissarsiaasunik pinaveersaartitsineq pillugu inatsisikkut, kisianni aningaasanik nassiussinermi akiliuteqartoq pillugu paasissutissat ilanngullugit nassiunneqartussat pillugit Kalaallit Nunaannut inatsisip atuutilersinneqarnissaanik naatsorsuutigineqarpoq, aningaasanik iluanaarutinik unioqquitsilluni pissarsiaasunik aamma peqqarniisaarnianik aningaasalersuinerup pinaveersaartinneqarneri pillugit danskit inatsisaat Kunngip peqqussutaatigut Kalaallit Nunaannut atuutinneqalersimanissaa, taamaattumik taanna innersuussutigineqarpoq.

Imm. 3, nr. 2 malillugu, nakkutiginninnissamik piunasaqaat naammassineqartutut isigineqarsinnaavoq, sullitamut pissutsit pilersinneqarsimappata inatsisip atuutilinnginnerani, aamma paasissutissat tamakkiisut piffissaq naleqquttuutillugu pissarsiarineqarsimappata navianartorsiornissamik naliliineq tunngavigalugu. Piffissaq naleqquttoq assersuutigalugu tassaasinnaavoq, sullitap akiliutinik ingerlatsisorlu isumaqatigiissutiminik annertuumik allannguisimappat, taamaattumillu sullitaq attavigineqarluni. Piffissami naleqquttumi paasissutissanik tamakkiisunik pissarsinissamik periarfissaq, ingerlaavartumik ingerlatsinermut naleqqussaanissamik periarfissiivoq, taamaasilluni inatsisissatut siunnersuummut atatillugu allaffissornikkut nammatassat sapinngisamik annikittuutinneqassapput. Taamaattorli tamatigut navianartorsiornermik naliliisoqartassaaq, tamannalu isumaqarpoq, iluanaarutinik naleqquttunngortitsinissamik aamma peqqarniisaarnianik aningaasalersuinissamik nalorninartoqarneranik sullitamut naleqqiullugu nalililerneqartassalluni. Aammattaaq nalorninartorsiornermi naliliinermi ilaatinneqarsinnaapput sullitamik ilisimanninnerit, ingerlatsiviup maannamut sullitaq pillugu ilisimaarilersimasai.

Imm. 4-mi aningaasanik nuussinerit ilaatinneqanngillat, kontumit pinngitsut, akiliuteqartoq pillugu paasissutissanik nakkutiginninneq, aningaasat nuunneqartut 7.500 kr.-t (1.000 euro) qaangersimanngippagit. Akiliuteqarnermi ingerlatsisoq akiliuteqartoq pillugu paasissutissanik pissaaq, kisianni akiliuteqarnermi ingerlatsisup paasissutissat taakku misissussanngilai assersuutigalugu uppernarsaatit takunerisigut.

Malittarisassaq atuutinneqalerpoq akiliuteqarnermi aaqquissuussinerup sunniuteqarluarnera akornuserniarnagu, taamaattumik kontumit aningaasanik nuussinerit aamma aningaasanik nuussinerit kontumit pinngitsut pillugit nakkutiginninnissamik piunasaqaatit immikkoortinneqarput. Kinaassusersinissamik piunasaqaatit sakkortuut atuutilersinneqarnerat pissutigalugu, nuussinerit pisortat avataatigut ingerlanneqarnissaat pillugu navianartorsiornit oqimaqatigiissinneqalernissaannik pilersitsiniarluni, akiliuteqartup kinaassusaa pillugu paasissutissat uppernarsarnissaannut pisussaaffik kontumeersuunngitsunut nuussinernut ataasiakkaanut taamaallaat atuutissaaq aamma 7.500 kr.-t (1.000 euro) qaangersimanngippagit. Sullitamut ataatsimut nuussinerit arlaliuppata, nuussinermullu siullermi piffissami aningaasat ataatsimoortut nassiunneqartut annertussusaat ilisimaneqanngippat, paasissutissat misissorneqassapput.

Imm. 5-imi aalajangersarneqarpoq, 7.500 kr.-t (1.000) tikillugit imm. 4-mi ilaatitsinnginnissaq atuutissanngitsaq pasinartoqarpat, nuussineq aningaasanik naapertuuttunngortitsinermut imaluunniit

peqqarniisaarnianik aningaasalersuinnermut attuumassuteqartoq, aningaasanik iluanaarutininik unioqqutitsilluni pissarsiaasunik aamma peqqarniisaarnianik aningaasalersuinerup pinaveersaartinneqarneri pillugit inatsimmit § 7-imi nalunaaruteqartussaannermut pisussaaffimmi ilaatinneqartumi, Kunngip peqqussutaatigut Kalaallit Nunaannut atuuttussanngortinneqartumi. Taamaasilluni malittarisassami pingaarnertut aallaavik, kinaassutsimik uppernarsaateqarnissamik piumasaqartoqartarnissaq, uteqqinneqarpoq.

Aningaasanik iluanaarutininik unioqqutitsilluni pissarsiaasunik pinaveersaartitsineq pillugu inatsit nr. 348, 9. juni 1993-imeersoq aningaasanik naapertuuttunngortitsiniarneq pillugu pinaveersaartitsineq pillugu Kunngip peqqussutaatigut nr. 575, 6. juni 1996-imeersukkut Kalaallit Nunaannut atuutilersinneqarpoq, kisianni aningaasanik nuussinerni akiliuteqartoq pillugu paasissutissat ilanngullugit nassiunneqartussat pillugit Kalaallit Nunaannut atuutilersinneqarnissaanik inatsisip piffissaq atuutilerfissaattut naatsorsuutigineqarpoq, aningaasanik iluanaarutininik unioqqutitsilluni pissarsiaasunik aamma peqqarniisaarnianik aningaasalersuinerup pinaveersaartinneqarneri pillugit danskit inatsisaat Kunngip peqqussutaatigut Kalaallit Nunaannut atuutilersinneqarsimanissaa, taamaattumik taanna innersuussutigineqarpoq.

Paasiniaanissamik periarfissat aamma uppernarsaatit qulakkeerneqarnissaat eqqarsaatigalugit *imm. 6-imi* siunnersuutigineqarpoq, akiliuteqartoq pillugu paasissutissat tamakkiisut nalunaarsuiffimmi, aningaasanik nuussinerup ingerlanneqareerneratigut, ukiuni tallimani toqqortarineqassapput. Taamaasilluni malittarisassa inuiaqatigiinnut tunngatillugu annertuumik soqutiginaateqanngilaq, aningaasanik naapertuuttunngortitsiniarneq aamma peqqarniisaarnianik aningaasalersuineq pillugit pinaveersaartitsineq, paasiniaaneq aamma uppernarsaaneq qulakkiissallugit peqataassammat.

§ 10-mut

Kalaallit Nunaata iluani aningaasanik nuussinerit

§ 10 peqqussut 1781/2006-imi artikel 6-imut naapertuuppoq. Artikel 6 malillugu Fællesskabip iluani aningaasanik nuussinerit akiliuteqartup kontup normuanik imaluunniit paatsuugassaannngitsumik kinaassusersiummik taamaallaat ilaqartinneqassapput. Kalaallit Nunaat EU-mut ilaasortaannngimmat, matumani malittarisassa Kalaallit Nunaata iluani aningaasanik nuussinerni atornerqarsinnaavoq, Fællesskabimi tamarmiusumiinnngitsaq. Tamanna isumaqarpoq, Kalaallit Nunaata aamma EU/EØS-nunat akornanni aningaasanik nuussinerit paasissutissanik tamakkiisunik ilaqartinneqartassasut.

Imm. 1-imi siunnersuutigineqarpoq, aningaasanik nuussineri paasissutissat sorliit ilaatinneqartassanersut pillugit § 9-mi piumasagaat, akiliuteqartup aamma tigusisussap akiliuteqarnermi ingerlatsisua Kalaallit Nunaanniitillugit nuussinerit atuutissanngitsaq. Taamaattorli piumasagaataavoq, aningaasanik nuussineq akiliuteqartup kontu normuanik imaluunniit paatsuugassaannngitsumik kinaassusersiummik ilaqartinneqartassasaq, nuussineq akiliuteqartumut nassaareqqinneqarsinnaanngorlugu periarfissiisumik.

Peqqussummi artikel 17-imi periarfissiissutigineqarpoq, Kalaallit Nunaata aamma Danmarkip akornanni aamma Kalaallit Nunaata Savalimmiullu akornanni aningaasanik nuussinerit paasissutissanik killeqartunik taamaallaat ingerlaqarteqartinneqassasut. Taamaattorli piumasagaataavoq, peqqussummi atortussanut malittarisassat Kalaallit Nunaanni atuutinneqarnissaat. Taamaattumik Danmark matuma inatsisip atuutilereerneratigut Kunngip Danmarkip iluani nuussinerit paasissutissanik killeqartunik taamaallaat ingerlaqateqartarnissaat pillugu Kommissionip akuersissuteqarnissaanik qinnuigisinnaavaa.

„Akiliuteqarnermi ingerlatsisuusq Kalaallit Nunaanniipat“-mik paasineqassaaq, akiliuteqarnermi ingerlatsisuusq aningaasanik naapertuuttunngortitsiniarneq pillugu Kalaallit Nunaanni inatsimmi ilaatinneqarpat.

§ 5, nr. 7-imut siunnersuummi takuneqarsinnaavoq, „paatsuugassaannngitsumik kinaassusersiut“ ima paasineqartoq, naqinnerit, kisitsisit imaluunniit ilisarnaatit ataqatigiissitat, akiliuteqarnermi, ingerlatinermi nalunaaruteqarnermi aaqqissuussinerni, aningaasanik nuussinermi atorpeqartartut, protokolit naapertorlugit akiliutinik ingerlatsisuusumit aalajangersarneqartut.

Imm. 2-mi Kalaallit Nunaata Danmarkillu akornanni aamma Kalaallit Nunaata Savalimmiullu akornanni nuussinert nunap iluani nuussinernut naligiissinneqarput. Naligiissitsineq Kommissionimit akuersissuteqarnissamik piumasaqaatitaqarpoq, taamaattumik malittarisassaq aatsaat atuutilersinneqarsinnaavoq økonomi- og erhvervsministerimit Kommissionip akuersissuteqareerneratigut (tamanna pillugu takuuk oqaaseqatigiinni nalinginnaasuni oqaaseqatigiit aappaat).

Imm. 3-mi piumasaqaatigineqarpoq, akiliuteqartoq pillugu paasissutissat tamakkiisut ullut suliffiusut pingasut iluani atugassannngortinneqassasut, tiguisussap akiliuteqarnermi ingerlatsisuata tamanna qinnutigippagu.

§ 11-mut

Kalaallit Nunaata nunallu allat akornanni aningaasanik nuussineq

§ 11 peqqussut 1781/2006-imi artikel 7-imut naapertuuppoq. Artikel 7 malillugu aningaasanik nuussinert, tiguisussap akiliuteqarnermi ingerlatsisua Kattuffiup avataaniitillugu paasissutissanik tamakkiisunik ilaqartinneqassapput. Kalaallit Nunaannut naleqqiullugu tamanna isumaqarpoq, Kalaallit Nunaanniit EU/EØS-nunanut allanut aningaasanik nuussinert paasissutissanik tamakkiisunik ilaqartinneqassapput.

Imm. 1-imi piumasaqaatigineqarpoq, aningaasanik nuussineq akiliuteqartoq pillugu paasissutissanik tamakkiisunik ilaqartinneqassasoq, tiguisussap akiliuteqarnermi ingerlatsisua Kalaallit Nunaata avataaniikkaangat. Paasissutissat tamakkiisut pillugit piumasaqaatit siunnersuummi § 8-mi takuneqarsinnaapput.

„Kalaallit Nunaata avataaniitillugu“ ima paasineqassaaq, akiliuteqarnermi ingerlatsisq Kalaallit Nunaannut aningaasanik naapertuuttunngortitsineq pillugu inatsisiliornermi ilaatinneqassannngitsq.

Imm. 2-mi batchfiloverførselqarnermi paasissutissat tamakkiisut pillugit piumasaqaat ilaatinneqannngilaq, tiguisussap akiliuteqarnermi ingerlatsisua Kalaallit Nunaata avataaniitillugu. Ilaatitsinnnginnermi periarfissiissutigineqarpoq akiliuteqartumit ataatsimit aningaasartuutaarpiannngitsumik ataatsimoortillugit (batchfil) aningaasanik nuussinissaq nuussinernik ataasiakkaanik arlalinnik imaqartumik. Nuussinert taakku akiliuteqartup kontu normuanik imaluunniit paatsuugassaannngitsumik kinaassusersiummik taamaallaat imaqassapput, batchfiloverførselimi akiliuteqartoq pillugu paasissutissanik tamanik imaqarpat.

Imm. 3-mi Danmarkimi Savalimmiuniluunniit akiliuteqarnermi ingerlatsisq Kalaallit Nunaanni akiliuteqarnermi ingerlatsisumut naligiissinneqarpoq. Naligiissitsineq Kommissionip akuersissuteqarnissaanik piumasaqaatitaqarpoq, taamaattumik malittarisassaq økonomi- og erhvervsministerimit aatsaat atuutilersinneqarsinnaavoq, Kommissionip akuersissuteqareerneratigut (tamanna pillugu takuuk nalinginnaasunik oqaaseqaatini oqaaseqatigiit aappaat).

§ 12-imut

Akiliuteqartoq pillugu paasissutissat amigaataaneriniik paasisat

§ 12 peqqussut 1781/2006-imi artikel 8-mut naapertuuppoq.

Malittarisassami piumasaqaatigineqarpoq tiguisissap akiliuteqarnermi ingerlatsisua pisussaaffigaa paasissallugu, nalunaaruteqarnermi, akiliuteqarnermi ingerlatsinermilu aaqqissuussinermi akiliuteqartoq pillugu paasissutissanik immersuiffissaq, aningaasanik nuussinermi atorneqartussa, immersorneqarsimanissaa, aaqqissuussinermi pineqartumi malittarisassat malillugit akuerineqartut.

Nr. 1 malillugu tiguisissap akiliuteqarnermi ingerlatsisua sunniuteqarluartunik ingerlatseriaaseqassasoq paasinarlugu, § 10-mi siunnersuutigineqartutut taaneqartut paasissutissat amigaataanerit pillugu, pisuni akiliuteqartup akiliuteqarnermi ingerlatsisua Kalaallit Nunaata avataaniitillugu.

„Akiliuteqarnermi ingerlatsisoq Kalaallit Nunaata avataaniitillugu“ ima paasineqassaaq, akiliuteqarnermi ingerlatsisoq Kalaallit Nunaannut aningaasanik naapertuuttunngortitsiniarneq pillugu inatsisiliornermi ilaatinneqartillugu.

Nr. 2 malillugu tiguisissap akiliuteqarnermi ingerlatsisua sunniuteqarluartunik ingerlatseriaaseqassasoq paasinarlugu, § 10-mi siunnersuutigineqartutut taaneqartut imaluunniit taamaassappat paasissutissat § 17-imi siunnersuutigineqartutut taaneqartut, paasissutissat amigaataanerit pillugu, pisuni akiliuteqartup akiliuteqarnermi ingerlatsisua Kalaallit Nunaata avataaniitillugu.

„Kalaallit Nunaata avataaniitillugu“ ima paasineqassaaq, akiliuteqarnermi ingerlatsisoq Kalaallit Nunaannut aningaasanik naapertuuttunngortitsiniarneq pillugu inatsisiliornermi ilaatinneqartinnagu.

Batchfiloverførselinut tunngatillugu pisuni akiliuteqartup akiliuteqarnermi ingerlatsisua Kalaallit Nunaata avataaniitillugu, tiguisissap akiliuteqarnermi ingerlatsisua *nr. 3* malillugu sunniuteqarluartumik ingerlatseriaaseqassaaq paasinarlugu, § 8-mut siunnersuutigineqartutut taaneqartut paasissutissat amigaataanersut pillugu, taamaattorli taamaallaat batchfiloverførselimi nuussinerni ataasiakkaaniingitsoq, tassani katersorsimasut.

Nr. 4-mi akiliuteqartup Danmarkimi imaluunniit Savalimmiuni akiliuteqarnermi ingerlatsisua Kalaallit Nunaanni akiliutinik ingerlatsisumut naligiisinneqarpoq. Naligiisitsineq Kommissionip akuersissuteqarnissaanik piumasaqaatitaqarpoq, taamaattumik malittarisassaaq økonomi- og erhvervsministerimit aatsaat atuutilersinneqarsinnaavoq, Kommissioni akuersereerneratigut (tamanna pillugu erseqqinnerusumik takuuk nalinginnaasuni oqaaseqatigiinni oqaaseqatigiit aappat). Tamanna isumaqarpoq, § 12, nr. 4 atuutilerpat, pisorlu ataaseq nr. 4-mit ilaatinneqarluni, § 12, nr. 2 aamma 3-miittut malittarisassat pisumi taamaattumi atuutissanngillat.

§ 13-imut

Aningaasanik nuussinert akiliuteqartoq pillugu paasissutissanik amigaatillit imaluunniit tamakkiisuunngitsunik paasissutissartallit

§ 13 peqqussut 1781/2006-imi artikel 9-mut naapertuuppoq.

Imm. 1-ip malitsigaa, tiguisussap akiliuteqarnermi ingerlatsisua nuussanik tiguisnermini paasiguniuk akiliuteqartoq pillugu paasissutissat amigaataasut imaluunniit tamakkiisuunngitsut, akiliuteqarnermi ingerlatsisup nuussineq itigartissavaa imaluunniit akiliuteqartoq pillugu paasissutissanik tamakkiisunik piumasaqassaaq.

Imm. 2-mi piumasaqaatigineqarpoq, akiliuteqarnermi ingerlatsisoq akuttunngitsumik akiliuteqartoq pillugu paasissutissanik piumasarineqartunik tunniussinngitsoortarpat, tiguisussap ingerlatsisua iliuusissanik piareersaassaaq. Tamanna pisinnaavoq, illumi naatsorsueqqissaarnermi nalunaarsuinikkut. Naatsorsueqqissaarneq akuttunngitsumik naliliiffigineqartassaaq, aamma akiliutinik ingerlatsisut nalunaarsorsimasut ilaat mianersoqquneqassanersut imaluunniit siunisamik aningaasanik nuussinerit itigartinneqassanersut imaluunniit akiliutinik ingerlatsisumik suleqateqarneq killilersorneqassanersoq imaluunniit inaarneqassanersoq pillugit isummertoqassalluni. Tiguisussap akiliuteqarnermi ingerlatsisua mianersoqqusippat, piffissamik aalajangiippat imaluunniit akiliutinik ingerlatsisumik allamik suleqatigiinnermik killilersuippat imaluunniit inaarsippat, akiliuteqarnermi ingerlatsisoq taanna akuttunngitsunik paasissutissanik piumasarineqartunik tunniussisimannginnera pissutigalugu, Kalaallit Nunaanni Hvidvasksekretariati nalunaarfigineqassaaq. Hvidvasksekretariati pilersinneqassaaq Kalaallit Nunaanni aningaasanik naapertuuttunngortitsiniarneq pillugu inatsisiliornerup ingerlanneqarneratigut naatsorsuutigineqarlunilu Kalaallit Nunaanni AKILERAARUSERIFFIUP ataaniilerumaartoq.

§ 14-imut

Navianartorsiornermik tunngaveqartoq naliliineq

§ 14 peqqussut 1781/2006-imi artikel 10-mut naapertuuppoq.

Malittarisassami erseqqissarneqarpoq, paasissutissat amigaataasut imaluunniit tamakkiisuunngitsut tiguisussap akiliuteqarnermi ingerlatsisuata aningaasanik nuussineq nuussinerluunniit assigisaa pasinartoqarneranik naliliinerani ilaatinneqassasoq, aamma aningaasanik iluanaarutinik unioqqutitsilluni pissarsiaasunik aamma peqqarniisaarnianik aningaasalersuinerup naapertuuttunngortinniarneqarnerat pinaveersaartinniarlugit inatsimmi § 7, Kunngip peqqussutaatigut Kalaallit Nunaannut atuutilersinneqartoq, naapertorlugu tamanna pillugu Hvidvasksekretariati nalunaarfigineqassanersoq. Aningaasanik naapertuuttunngortitsiniarneq pillugu inatsit nr. 348, 9. juni 1993-imeersoq atuutilersinneqarpoq aningaasanik naapertuuttunngortitsiniarneq pinaveersaartinniarlugu iliuusissat pillugit inatsisip Kalaallit Nunaannut atuutilersinneqarnissaa pillugu Kunngip peqqussutaatigut nr. 575, 6. juni 1996-imeersukkut, kisianni aningaasanik nuussinermi akiliuteqartoq pillugu paasissutissanik ilanngullugit nassiunneqartussat pillugit Kalaallit Nunaannut inatsisip atuutilerfissaa piffissaq naatsorsuutigineqarpoq, aningasanik iluanaarutinik aamma peqqarniisaarnianik aningaasalersuisuinerup naapertuuttunngortinniarneqarnerat pinaveersaartinniarlugu iliuusissat pillugit danskit inatsisaat Kunngip peqqussutaatigut Kalaallit Nunaannut atuuttussanngortinneqassasoq, taamaattumik taanna innersuussutigineqarpoq.

Hvidvasksekretariati pilersinneqassaaq Kalaallit Nunaanni aningaasanik naapertuuttunngortitsiniarneq pillugu malittarisassat ingerlanneqarneranut atatillugu, aamma naatsorsuutigineqarpoq taanna Kalaallit Nunaanni AKILERAARUSERIFFIUP ataaniilissasoq.

§ 15-imut

Nalunaarsuineq

Paasiniaanissamik periarfissat eqqarsaatigalugit § 15-imi siunnersuutigineqarpoq, peqqussut 1781/2006-imi artikel 11-mut naapertuuttumi, tiguisussap akiliuteqarnermi ingerlatsisuata akiliuteqartoq pillugu paasissutissat tiguisimasani nalunaarsuiffimmi ukiuni tallimani toqqortarissagai.

Malittarisassaq inuiaqatigiinnut annertuumik soqutiginaateqarpoq, aningaasanik aamma peqqarniisaarnianik aningaasalersuinerup naapertuuttunngortinniarneqarneranut pinaveersaartitsinermut, paasiniaanermut aamma aningaasanik aamma peqqarniisaarnianik aningaasalersuinerup naapertuuttunngortinniarneqarnerinut inuiaqatigiit peqataasussaammata.

Ukiunik tallimanik piffissaq atortunik toqqortarinnittarnermi nalinginnaasumik piffissarititaasumut naapertuuppoq, naatsorsuusiortussaaneq pillugu danskit inatsisaanni § 10, imm. 1 malillugu aamma naatsorsuusiorneq pillugu Savalimmiormiut inatsisaanni § 2, imm. 2 malillugu.

Kapitali 5-imut

Akiliutinik ingerlatsisunut akunnermuliuttunut pisussaaffiit

Kapitali 5 peqqussut 1781/2006-imi kapitali IV-mut naapertuuppoq aamma akiliutinik ingerlatsisunut akunnermuliuttunut malittarisassanik aalajangersaasoqarpoq. Akiliuteqarnermi ingerlatsisoq akunnermuliuttoq tassaavoq, akiliuteqarnermi ingerlatsisoq, akiliuteqartup imaluunniit tiguisussap akiliutinik ingerlatsisorinngisaa, aamma aningaasanik nuussinerup ingerlanneqarnerani peqataasoq, tak. § 5, nr. 4-mut siunnersuutigineqartumi nassuiaat.

§ 16-imut

Aningaasanik nuussinermi akiliuteqartoq pillugu paasissutissanik toqqortarinninneq

§ 16 peqqussut 1781/2006-imi artikel 12-imut naapertuuppoq.

Malittarisassaq malillugu akiliuteqarnermi ingerlatsisup akunnermuliuttup isumagissavaa, aningaasanik nuussinermut ilaatillugu akiliuteqartoq pillugu paasissutissat tamarmik nuussineq ilanngullugu toqqortarineqarnissaat.

§ 17-imut

Tekniskiusumik killilersuinerit

§ 17 peqqussut 1781/2006-imi artikel 13-imut naapertuuppoq.

Imm. 1 naapertorlugu malittarisassaq atorneqassaaq, akiliuteqartup akiliuteqarnermi ingerlatsisua Kalaallit Nunaata avataaniikkaangat, akiliutinillu ingerlatsisoq akunnermuliuttoq Kalaallit Nunaanniippat.

„Kalaallit Nunaata avataaniippat“ ima paasineqassaaq, aningaasanik naapertuuttunngortitsiniarneq pillugu Kalaallit Nunaanni inatsisiliornermi ilaatinneqanngitsoq.

„Akiliuteqarnermi ingerlatsisoq akunnermuliuttoq Kalaallit Nunaanniippat“ ima paasineqassaaq, akiliuteqarnermi ingerlatsisoq akunnermuliuttoq aningaasanik naapertuuttunngortitsiniarneq pillugu Kalaallit Nunaanni ilaatinneqartoq.

Imm. 2-p malitsigaa, malittarisassaq atorreqassanngitsoq, akiliuteqartup akiliuteqarnermi ingerlatsisua Danmarkimiippat imaluunniit Savalimmiuniippat aamma akiliuteqarnermi ingerlatsisoo akunnermuliuttoq Kalaallit Nunaanniilluni. Taamaalilluni Danmarkimi aamma Savalimmiuni akiliuteqartup akiliuteqarnermi ingerlatsisua Kalaallit Nunaanni akiliutinik ingerlatsisumut Kalaallit Nunaanniittumut naligiisinneqarpoq. Malittarisassamik atuutilersitsineq Kommissionip akuersissuteqarnissaanik piunasaqaatitaqarpoq, taamaattumik malittarisassaq økonomi- og erhvervsministerimit aatsaat atuutilersinneqarsinnaavoq Kommissionip akuersissuteqareerneratigut (tamanna pillugu erseqqinnerusumik takuuk oqaaseqatigiit aappaat).

Imm. 3-mi akiliuteqarnermi ingerlatsisoo akunnermuliuttoq periarfissinneqarpoq akiliuteqarnermi aaqqissuussinerit atuinissamut, naak taakku tekniskiusumik killeqaraluartut. Tekniskiusumik killilersuinerit taakku akiliuteqartoq pillugu paasissutissanik tiguneqarsimasunik ingerlatitseqqinnissaamik periarfissiinnigippata, akiliuteqarnermi ingerlatsisup akunnermuliuttup paasissutissat taakku nalunaarsussavai, tak. *imm. 5*.

„Tekniskiusumik killilersuineq“ tassaasinnaavoq, akiliuteqarnermi aaqqissuussinerup akiliuteqartoq pillugu paasissutissat tamarmiusut ilanngullugit nassiunnissaannut tekniskiusumik periarfissaanngitsoq.

Imm. 4-p malitsigaa, akiliuteqarnermi ingerlatsisup akunnermuliuttup aningaasanik nuussanik tigusaqarnermi paasiguniuk akiliuteqartoq pillugu paasissutissat, matumani inatsisissatut siunnersuummi piunasarineqartutut, amigaataasut imaluunniit tamakkiisuunngitsut, akiliuteqarnermi ingerlatsisup akunnermuliuttup akiliuteqarnermi aaqqissuussinerit tekniskiusumik killilersuinerit taamaallaat atorsinnaavai, akiliuteqarnermi ingerlatsisoo akunnermuliuttoq allatut iliorluni tigusisussap akiliuteqarnermi ingerlatsisua erseqqissaavigisinnaavaa, paasissutissat amigaataasut imaluunniit tamakkiisuunngitsut. Akiliuteqarnermi ingerlatsisup akunnermuliuttup qanoq iliorluni nalunaarummik taamaattumik tunniussaqaarnissaa pillugu sioqqullugu periutsimik isumaqatigiissusiortoqarsimassaaq. Nalunaaruteqarneq pisinnaavoq akiliuteqarnermi imaluunniit nalunaaruteqarnissamut aaqqissuussineq imaluunniit periutsi alla atorlugu, akiliutinik ingerlatsisut taakku marluk akornanni akuerisaasoo imaluunniit isumaqatigiissutaasoo.

Akiliuteqarnermi ingerlatsisoo akunnermuliuttup akiliuteqarnermi aaqqissuussineq tekniskiusumik killilersuinerit atorlugu *imm. 4-mi* piunasarineqarpoq, akiliuteqarnermi ingerlatsisup akunnermuliuttup akiliuteqartoq pillugu paasissutissat tiguneqarsimasut tamaasa ullut suliffiusut pingasut iluini atugassanngortissavai, tigusisussap akiliuteqarnermi ingerlatsisua qinnuteqarneratigut.

Imm. 6 naapertorlugu akiliuteqarnermi ingerlatsisup akunnermuliuttup nalunaarsukkat, paasissutissanik tiguneqarsimasunik imaqartut tamaasa ukiuni tallimani toqqortarissavai, pisuni *imm. 3* aamma *4-mi* taaneqartuni.

Malittarisassaq inuiaqatigiinnut annertuumik soqutiginaateqarpoq, aningaasanik aamma peqqarniisaarnianik aningaasalersuinerup naapertuuttunngortitsiniarneq pinaveersaartinniarlugu, paasiniaanissaq ajorunnaarsinneqarnissaanut aamma uppersineqarnissaannut qulakkeerinninnissamut inuiaqatigiit peqataasussaammata.

Ukiunik tallimanik piffissaq atortunik toqqortarinnittarnermi nalinginnaasumik piffissarititaasumut naapertuuppoq, naatsorsuusiortussaaneq pillugu danskit inatsisaanni § 10, *imm. 1* malillugu aamma naatsorsuusiorneq pillugu Savalimmiormiut inatsisaanni § 2, *imm. 2* malillugu.

Nakkutilliineq

Imm. 1-imi siunnersuutigineqarpoq, Finanstilsynip nakkutigissagaa Kalaallit Nunaanni akiliutinik ingerlatsisut tassaasut aningaaseriviit, taarsigassarsisitsisarfiit, fondsmæglersekskab-it, qarasaasiakkut aningaasanik nuussisarfiit, sparevirksomhed-it imaluunniit Danmarkimi, Kalaallit Nunaanni imaluunniit nunani allani ingerlatseqatigiiffinnut assingusunut immikkoortortaqarfiit, inatsimmik unioqutitsinnginnissaat. Ingerlatseqatigiiffiit taamaattut Finanstilsynimit nakkutigisaareerput aningaasarsiornikkut ingerlatsineq pillugu inatsit malillugu, Kunngip peqqussutaatigut Kalaallit Nunaannut atuuttussanngortinneqartumi.

Imm. 1 peqqussut 1781/2006-imi artikel 15, imm. 3-mut ataqatigiissillugu isigineqassaaq, taanna malillugu oqartussaasut piginnaasut sunniuteqarluartumik nakkutiginnissapput iliuusissanillu pisariaqartunik aalajangiisallutik qulakkeerniarlugu, peqqussutip unioqutinneqannginnissaa.

Imm. 2-mi takuneqarsinnaavoq, imm. 1-imi taaneqartut ingerlatsiviit immikkoortortaqarfillu inatsisip unioqutinneqannginnissaanut nakkutiginninnermut atugassatut paasissutissanik pisariaqartunik Finanstilsyni tunissagaat. Pinngitsaaliissutitut Finanstilsynip pinngitsaaliissummik akiligassiisnaavoq, tak. siunnersuummi § 20, imm. 2.

Imm. 2 peqqussut 1781/2006-imi artikel 14-imut ataqatigiissillugu isigineqassaaq, taanna malillugu akiliutinik ingerlatsisut ilaatigut tamakkiisumik aamma piaartumik oqartussaasunit, aningaasanik naapertuuttunngortitsiniarnermik aamma peqqarniisaarnianik aningaasalersuinermik akiuiniarnermik akisussaasuusut, qinnutigineqartut naammassissagaat, akiliuteqartoq pillugu paasissutissanut, aningaasanik nuussinermi nalunaarsuinernullu assingusunut tunngatillugu ilanngullugit nassiunneqartussanut.

§ 19-imut

Maalaaruteqarsinnaaneq

Siunnersuutigineqarpoq Erhvervsankenævni mut maalaaruteqarsinnaassasoq, Danmarkimisut maalaaruteqarfiusinnaasoq. Industriministeriets Erhvervsankenævn pillugu inatsit nr. 858, 23. december 1987-imeersoq aamma Erhvervsministeriets Erhvervsankenævn pillugu nalunaarut nr. 1154, 18. december 1994-imeersoq Kalaallit Nunaannut atuuppoq, aamma inatsimmi nalunaarummilu takuneqarsinnaavoq, Erhvervsankenævni aalajangiinerit pillugit maalaarutit suliarisinnaagai tamanna pillugu malittarisassanik inatsisitigut imaluunniit inatsit naapertorlugu aalajangersaasoqarsimanera naapertorlugu. Malittarisassami taamaallaat aalajangiinerit, inatsit naapertorlugu Finanstilsynip aalajangigai ilaatinneqarput.

Erhvervsankenævni aalajangiineri eqqartuussivinnut ingerlateqqinneqarsinnaapput.

§ 20-mut

Imm. 1-imi siunnersuutigineqarpoq, § 9, imm. 1, 2, 4-mik aamma §10, imm. 3-mik, § 11, imm. 1-imik, §§ 12, 13, 15, 16-imik kiisalu § 17, imm. 4-6-imik piaaraluni imaluunniit mianersuaalliorujussuarnikkut unioqutitsinermut pineqaatissiissutissanik aalajangersaasoqassasoq. Pineqaatissiissutissaq aallaavittut akiligassiineruvoq, kisiani pissutsini immikkut sukannernerulersitsinermi qaammatit arfinillit tikillugit paarnaarussaannermik qaffanneqarsinnaavoq. Pissutsit immikkut sukannernerulersitsisut ima paasineqassapput immikkut sakkortuumik imaluunniit annertuumik piaaraluni unioqutitsinerit.

Imm. 2-mi takuneqarsinnaavoq, Finanstilsynip inuk imaluunniit ingerlatsivik pinngitsaaliisummik akiligassinnaagai, inuk imaluunniit ingerlatsivik paasissutissanik, inatsimmik unioqqutitsinnginnissamut nakkutilliinermi atugassatut pisariaqartunik, tunniussinngippat.

Imm. 3. malillugu ingerlatseqatigiiffiit il.il. (inatsitigut ingerlatsisuusut) pinerluttulerinermik inatsit malillugu akisussaatinneqarsinnaapput Kalaallit Nunaannut pinerluttulerinermi inatsimmi atuuttumi kapitali 5-imi malittarisassat malillugit.

§ 21-mut

Siunnersuutigineqarpoq, inatsit ulloq 1. juni 2010-mi atuutilersinneqassasoq.

Imm. 2-p malitsigaa, økonomi- og erhvervsministerip malittarisassat, Kalaallit Nunaata aamma Danmarkip akornanni aamma Kalaallit Nunaata Savalimmiullu akornanni aningaasanik nuussinert nunap iluani aningaasanik nuussinertut suliaqarnermik tunngasut pillugit atuutilersitsinissamut piffissaq aalajangersassagaa. Malittarisassat § 2, *imm. 2-mi*, § 3, *imm. 2-mi*, § 4, nr. 5-imi, § 10, *imm. 2-mi*, § 11, *imm. 3-mi*, § 12, nr. 4-imi, aamma § 17, *imm. 2-mi* malittarisassat pineqarput.

Tamanna isumaqarpoq, inatsit marloriarluni atuutilissaaq. Inatsisip annersaa, Peqqussut 1781/2006-imi atortussanut malittarisassat ulloq 1. juni 2010-mi atuutilissapput. Danmarkip aamma Kalaallit Nunaata akornanni aamma Kalaallit Nunaata Savalimmiullu akornanni aningaasanik nuussinert nunap iluani nuussinertut Kommissioni akuersissuteqassappat piumasaqaataavoq, peqqussummi atortussanut malittarisassat Kalaallit Nunaanni atuuttuunissai.

Inatsimmi malittarissat, Kalaallit Nunaata aamma Danmarkip akornanni aamma Kalaallit Nunaata Savalimmiullu akornanni aningaasanik nuussinert nunap iluani nuussinertut naligiissitsisut, aatsaat ingerlanneqarsinnaapput tamanna Kommissionip akuersissutigereerpagu. Taamaattumik inatsimmi atuutilerfissamik piffissamik aalajangersaasoqarpoq, isumaqartumik malittarisassat økonomi- og erhvervsministerip atuutilersissinnaagai, Kommissionip akuersissuteqareernerata kinguninnguatigut. Taamaasilluni malittarisassat aatsaat atuutilersinneqarsinnaapput Kommissionip akuersissuteqareerneratigut.

Ilanngussaq 1

(Oqaasertat EØS-imut attuumassutillit)

**Aningaasanik nuussinermi akiliuteqartoq pillugu paasissutissat ilanngullugit
nassiunneqartussat pillugit**

EUROPAPARLAMENTIP AAMMA RÅDIP PEQQUSSUTAAT (EF) NR. 1781/2006

15. november 2006-imeersoq

EUROPAPARLAMENTI AAMMA DEN EUROPÆISKE UNIONIMI RÅDI –

Det Europæiske Fællesskabip pilersinneqarnera pillugu isumaqatigiilluni aalajangersagaq,
pingaartumik artikel 95, innersuussutigalugu,

Kommissionimit siunnersuut innersuussutigalugu,

Den Europæiske Centralbankimimit oqaaseqaatit innersuussutigalugit, ¹

isumaqatigiilluni aalajangersakkami artikel 251-imi, ² ingerlatseriaat malillugu aamma

makku eqqarsaatigalugit:

(1) Aningaasanik nuussinert aqutigalugit aningaasat unioqqutitsilluni pissarsiaasut isaanerisa aningaasarsiornerup aalajaatsuunera aamma tusaamaneqarnera ajoqusersinnaavaat aamma nunami niuerneq navianartorsiortissinnaavaa. Peqqarniisaarniarnerup inuiaqatigiinni tunngavik

aalaallatsippaa. Aningaasanik nuussisarnermi aaqqissuussinerup peqqissusaa, innarligassaanginnera aamma aalajaatsuunera aammalu aningaasarsiornikkut tatiginassuseq ataatsimut isigalugit ilungersornartumik navianartorsiortinneqalersinnaapput pinerluttut inuillu peqataasut pinerlunnikkut iliuutsitigut iluanaarutit pinngorfiat isertuunniarsaralugu imaluunniit peqqaarniisaarniarnermik siunertanut aningaasanik nuussinikkut.

(2) Pinerluuteqarnertik oqilisarniarlugu inuit, aningaasanik naapertuuttunngortitsisartut imaluunniit peqqaarniisaarniat iliuusaannut aningaasalersuisartut, aningaasat nikerarnerat, aningaasarsiornikkut suliassa qarfiit ilanngunneqarsimasut malitsigisaannik, iluaqutiginiarsarissavaat, ataatsimoorikkut iliuusissanik ataqatigiissaakkanik aalajangiisoqanngippat. Iliuusissat taamaattut annertussusertik naapertorlugu qulakkeertariaqarpaat, pingaartumik Aningaasanik Naapertuuttunngortitsineq (FATF) pillugu Den Finansielle Arbejdsgruppemit nuussinerit pillugit inassutip IV-p (SR VII) G7-imi nunat 1989-imi Parisimi ataatsimeersuarneranni pilersinneqarnissaata Den Europæiske Unionimi assigiimmik ingerlanneqarnissaa pingaartumillu naalagaaffiit ilaasortat iluini nunani akiliuteqarnermi aamma naalagaaffiit ilaasortat akornanni killigititanik qaangiilluni akiliuteqarnermi. Killigitanik qaangiilluni aningaasanik nuussinerit eqqarsaatigalugit naalagaaffiit ilaasortat ataasiakkaat tungaanniit iliuutsit ataqatigiissaarneqanngitsut, ataatsimoortumik akiliuteqarnermi aaqqissuussinerit ajoqusersinnaavaat taamaattumillu aningaasarsiornikkut kiffartuussinermi niuerneq nunami ajoqusersinnaallugu.

(3) Ulloq 11. september 2001-imi USA-mut peqqaarniisaarniarluni saassussinerit malitsigisaanik, ulloq 21. september 2001-imi Det Europæiske Råd immikkut ittumik ataatsimiinermini erseqqissarppaa, Den Europæiske Unionimip peqqaarniisaarnianik akiuiniarneq aalajangiisuutillugu pingaartikkaa. Peqqaarniisaarniarnerup, peqqaarniisaarnianut aningaasalersuinerup pinaveersaartinneqarnissaa, silaannarmi isumannaarinerup sakkortusineqarnissaa aamma politikkit attuumassuteqartut tamaasa akornanni annertusisamik isumaqatigiissuteqarnerup politiit tungaanniit aamma nunani tamalaani inatsisitigut sakkortusisamik suleqatigiinnissap ineriartortinneqarnissaa pillugu iliuusissatut pilersaarut Rådip akuersissutigaa. Iliuusissatut pilersaarut taanna Det Europæiske Rådimit nutarterneqarpoq ulloq 11. marts 2004-mi Madridimi peqqaarniisaarniat saassussereernerisa kingorna, inatsisitigut sinaakkutissat, peqqaarniisaarniarneq akiorniarlugu Kattuffiup pilersitai, qulakkeerneqarnissaannut pisariaqartitsineq inatsisitigullu suleqatiginnerup pitsanngortinneqarnissaa pillugit immikkut pilersaarummi maanna isummertoqarpoq, taamaasilluni FATF-imi aalajangiunneqartutut peqqaarniisaarnianik aningaasalersuineq pillugu immikkut inassuteqaatit qulingiluasut naapertuuttunngortinneqarlutik naleqqussarneqarput.

(4) Peqqaarniisaarnianik aningaasalersuineq pinaveersaartinniarlugu inuit ilaasa, eqimattakkaat immikkoortullu naliliutai aningaasatigullu nukii, tamatumunnga ilanngullugit Rådip peqqussutaa nr. 2580/2001³ (EF) aamma Rådip peqqussutaa nr. 881/2002 (EF), tigusiffisinnaajunnaarneqarnissai siunertaralugu iliuusissat aalajangiunneqarput. Tamanna siunertaralugu aammattaaq nalillit aningaasatigullu nukiit peqqaarniisaarniarnermik siunertanut ingerlatinneqarnissaat aningaasarsiornikkut aaqqissuussineq illersorniarlugu iliuusissat aalajangiunneqarput. Europa-Parlamentip aamma Rådip maleruagassiaani 2005/60/EF-imi iliuusissanik arlalinnik imaqarpoq, aningaasanik naapertuuttunngortitsiniarnermut aamma peqqaarniisaarnianik aningaasalersuinermut atornerqartussa q aningaasarsiornikkut aaqqissuussinerup atornerlunneqarnissaa akiorniarlugu. Iliuusissalli taakku peqqaarniisaarniat aamma pinerluttut allat, aningaasaatiminnik nuussiniarnerminni akiliuteqarnermi aaqqissuussinerit atuinissaannut akornusiissinnaanngillat.

(5) Aningaasanik naapertuuttunngortitsiniarneq aamma peqqaarniisaarnianik aningaasalersuineq akiorniarlugu nunani tamalaani ataatsimut iliuutsimik pilersitsiniarluni, ataatsimoortumik suliuniutini nutaani tamatumani ineriartorneq eqqarsaatigineqartariaqarpoq, ima oqaatigalugu,

FATF-imiit inassuteqaatit qulingiluat immikkut ittut, pingaartumik SR VII aamma tamatumap ingerlanneqarnissaanut nassuiaat nutartigaq.

(6) Aningaasanik naapertuuttunngortitsiniarnerup aamma peqqarniisaarnianik aningaasalersuinerup pinaveersaartinneqarnissaannut, missuiffigineqarnissaannut nassaarinissaanullu atatillugu sakkussaq immikkut pingaarutilik tassaavoq, aningaasanik nuussat sutigut tamatigut nassaarineqarsinnaanerat. Akiliuteqartoq pillugu paasissutissat akiliuteqarnermi aqut tamaat ingerlateqqinneqartarnerat qulakkeerniarlugu, taamaattumik naleqquttuuvoq akiliutinik ingerlatsisuusut pisussaaffilerneqarnissaat isumagissallugu, aningaasanik nuussinertit eqqortunik aamma atorsinnaasunik akiliuteqartoq pillugu paasissutissanik ilaqartinneqartarnissaat.

(7) Matumani peqqussummi malittarisassat Europa-Parlamentip aamma Rådip maleruagassaqia 95/46/EF eqqaassanngikkaanni atuupput. Assersuutigalugu paasissutissat, matumani peqqussummik atuinermut atatillugu katersarneqartut aamma toqqortarineqartut, aningaasarsiornermut tunngasutigut siunertanut atorineqarsinnaanngillat.

(8) Inuinaat, akiliuteqarnermi ingerlatsisumik attaveqarnertik tunngavigalugu pappilissanik uppersaatinik elektroniskiusumik paasissutissanngortitsisut, matumani peqqusutit atuuffissaata ataaniitinneqanngillat; aammattaaq taamaappoq inunnut inatsisitigut sullissisunut, aningaasanik nuussinermut atatillugu imaluunniit clearing- og afviklingssystemit aqutigalugit akiliutinik ingerlatsisumut nalunaaruteqarnissamut aaqqissuussineq imaluunniit tapersiissutit aaqqissuussinermik allamik tunniussiinnartartunut.

(9) Aningaasanik nuussinermi aningaasanik naapertuuttunngortitsiniartoqarnissaanik aamma peqqarniisaarnianik aningaasalersuiniartoqarnissaanik navianartorsiorneq annikinneruppat, matumani peqqussummi atuuffissaannit aningaasanik nuussinertit taamaattut ilaatinneqanngippata. Sanioqqutitsinerni taamaattuni debet- og kredittortit, pengeautomatinit aningaasanik tigusinerit, toqqaannartumik debeteriinerit, qarasaasiakkut checkit nassiussat, akileraarutini, akiitsuutinillu allanik aningaasanillu nuussinerni, akiliuteqartoq aamma tigusissaq akiliutinik ingerlatsisuutillugit, nammineq atertik atorlugu iliuuseqartut ilaatinneqartariaqarput. Aammattaaq naalagaaffiit ilaasortat, nunami akiliuteqarnermi aaqqissuussinermi immikkut ittut eqqarsaatigalugit, elektroniskiusumik giro-kkut akiliutit ilaatinngitsoortissinnaavaat, taamaattorli aningaasanik nuussinermi akiliuteqartumut nassaarinneqqaqqissinnaanissaa periarfissaassaaq. Naalagaaffiit ilaasortanut, maleruagassami 2005/60/EF-imi aningaasanik elektroniskiusunut tunngatillugu sanioqqutitsisut, matumani peqqussut naapertorlugu atorineqartariaqarpoq, aningaasat pineqartut 1000 EUR qaangersimangippagit.

(10) Aningaasanut elektroniskiusunut sanioqqutitsineq, tak. Europa-Parlamentip aamma Rådip maleruagassiaani 2000/46/EF-imi, aningaasat elektroniskiut atuupput, aningaasanik taamaattunik atsiortoq immikkut akuersissuteqarsinnaagaluartorluunniit imaluunniit akuersissuteqarsinnaanngikkaluartorluunniit, maleruagassiami taaneqartumi artikel 8 naapertorlugu.

(11) Akiliuteqarnermi aaqqissuussinerup sunniuteqarluarnera akornuserumanagu, kontimit aningaasanik nuussat missorneqarnissaannut piumasaqaatit aamma aningaasanik nuussinertit, kontuniit ingerlanneqanngitsunut piumasaqaatit akornanni immikkoortitsisoqartariaqarpoq. Nuussinertit pisortatigoortinneqannginnissaat, kinaassusersinissamik piumasaqaatit sakkortuut aamma nuussinernut minnerusunut peqqarniisaarniarataarnissamut navianartorsiornerup oqimaqatigiissinneqarnissaat pilersinniarlugu, akiliuteqartoq pillugu paasissutissanik uppersaassinissamik pisussaaffik, aningaasanik nuussinertit kontumit ingerlanneqanngippata, nuussinernut ataasiakkaanut, 1000 EUR-it sinneqartunut, atuutinneqartariaqarpoq, maleruagassiami 2005/60/EF-imi piumasaqaatit nangaassutigalugit. Kontuniit nuussinerni akiliuteqarnermi ingerlatsisuusut akiliuteqartoq pillugu paasissutissat, aningaasanik nuussinerni ataasiakkaani

ilanngullugit nassiunneqartartut, misissussallugit pisussaaffeqartariaqanngillat, maleruagassiami 2005/60/EF-imi piumasaqaatit naammassineqarsimappata.

(12) Europa-Parlamentip aamma Rådip peqqussutaat (EF) nr. 2560/2001 aamma nunami niuernermi akiliuteqarnek pillugu nutaamik inatsissatut tunngaviit pillugu Kommissionip nalunaarutaa tunngavigalugit, Fællesskabip iluani aningaasanik nuussinernut ilanngullugit akiliuteqartoq pillugu paasissutissat piuminarnerusut aalajangiunneqarnissaat naammappoq.

(13) Aningaasanik naapertuuttunngortitsiniarnermik aamma nunani allani peqqarniisaarnianik aningaasalersuinermik akiuinissamut akisussaasuusut oqartussaasut periarfissiniarlugit siunertanut taakkununga atorneqartut aningaasat pinngorfii nassaariniarlugit, Fællesskabimit aningaasanik nuussinerit nunanut Fællesskabip avataaniittunut akiliuteqartoq pillugu paasissutissanik tamakkiisunik imaqtartariaqarput. Oqartussaasut taaneqartut akiliuteqartoq pillugu paasissutissat tamakkiisut taamaallaat atorsinnaasariaqarpaat, aningaasanik naapertuuttunngortitsiniarneq aamma peqqarniisaarnianik aningaasalersuineq pinaveersaartinneqarnerinut, misissuiffiginerinut nassareqqinniarninullu atatillugu.

(14) Aningaasartuutiniq sipaarfiusumik samlefilinngorlugu (batchfil) akiliuteqartumit ataatsimit aningaasanik nuussinerit Fællesskabimii Kattuffiup avataaniittumut aningaasanik nuussinernut ataasiakkaanut ingerlanneqarsinnaanerit periarfissiisutiginiallugu, aningaasanik nuussinerit taakku ataasiakkaat akiliuteqartup kontu normuanik imaluunniit kinaassusersiummik erseqqarissaumik taamaallaat imaqtartinneqartariaqarput, batchfili akiliuteqartoq pillugu paasissutissanik tamarmiisunik imaqtartat.

(15) Aningaasanik nuussinermi akiliuteqartoq pillugu paasissutissanik piumasarineqartunik imaqtarnerisq misissorniarlugu aamma nuussinerit pasinartut suussusersiniarlugit, tiguisissap akiliuteqarnermi ingerlatsisua sunniuteqarluartunik periutsinik pilersitsisimassaaq, paasineqarniassamat, akiliuteqartoq pillugu paasissutissat amigaataasut.

(16) Peqqarniisaarnianik aningaasalersuinissamut navianartorsiorsinnaaneq eqqarsaatigalugu, kinaassutsimik isertuussisunit nuussinerusut pisuni akiliuteqarnermi ingerlatsisup paasiguniuk akiliuteqartoq pillugu paasissutissat amigartut imaluunniit eqqunngitsuusut, tiguisissap akiliuteqarnermi ingerlatsisuata pinaveersaartinniarnissaannut imaluunniit ikiorsiiffigineqarnissaannut iliorsinnaasariaqarpoq. Tamatumunnga tunngatillugu nikerarsinnaassuseq periarfissaasariaqarpoq, navianartorsiorsinnaaneq tunngavigalugu akiliuteqartoq pillugu paasissutissat annertussusaannut tunngatillugu. Aammattaaq akiliuteqartup akiliuteqarnermi ingerlatsisuata akisussaaffigisariaqarpaa akiliuteqartoq pillugu paasissutissat eqqortuunissaat aamma tamakkiisuunissaat. Akiliuteqarnermi ingerlatsisoo Kattuffiup avataani angerlarsimaffeqarpat, maleruagassaq 2005/60/EF naapertorlugu akiliutiniq ingerlatsisumik taassuminnga killissanik qaangiisinnaasumik bankikkut attaveqatigiinnermi pissutsini sullitanik annertunerusumik mianersortoqartariaqarpoq.

(17) Nunagisami oqartussaasut piginnaatitaasut malittarisassiorsimappata, akiliuteqartoq pillugu paasissutissanik akuttunngitsumik paasissutissanik piumasarineqartunik tunniussinngitsoortumit akiliutiniq ingerlatsisumit nuussinernik tamanik itigartitsinissamut pisussaaffinnut tunngatillugu, imaluunniit akiliutiniq ingerlatsisumik taassuminnga niuernikkut attaveqatigiinnerup killilersorneqarnissaa imaluunniit inaarneqarnissaa pillugu isummernissamut tunngatillugu, malittarisassat taamaattut ilaatigut tassaasariaqarput suleriaatsimut pitsaanerpaaq eqqarsaatigalugu pitsaasumik tunngaveqarneq, taamatuttaaq eqqarsaatigineqartariaqarpoq FATF-imit SR VII-mut nassuiaatit nutartikkat akiliuteqartoq pillugu paasissutissanik naasiussisussaaneq pillugu nunat allat 1000 EUR imaluunniit 1000 USD-inik killiliinissamut aalajangiinissaq, aningaasanik

naapertuuttunngortitsiniarnerup aamma peqqarniisaarnianik aningaasalersuinerup sunniuteqarluartumik akiuiniarnissamik siunertaq eqqarsaatigalugu.

(18) Tiguisussap akiliuteqarnermi ingerlatsisua pinngitsoorani immikkut ittumik sissuertariaqarpoq aamma nalorninartorsiornermi naliliisoqassaaq paasineqarpat, akiliuteqartoq pillugu paasissutissat amigaataasut imaluunniit tamakkiisuunngitsut, aamma taanna akiliuteqarnermi ingerlatsisoq maleruagassaaq 2005/60/EF aamma nunagisami ingerlatsinermut malittarisassat naapertorlugit nalunaaruteqarnissamik pisussaaffik naapertorlugu oqartussaasunut piginnaasunut nuussanik pasinartunik nalunaaruteqartariaqarpoq.

(19) Aningaasanik nuussinerit pillugit malittarisassat, akiliuteqartoq pillugu paasissutissat amigaataatillugit imaluunniit tamakkiisuutinnagit atuutinneqassapput, tamanna civil-, forvaltnings- imaluunniit strafferettimut akerliusumik aningaasanik nuussinernik atorunnaarsitsinissamik aamma/imaluunniit itigartitsinissamik akiliuteqarnermi ingerlatsisup pisussaaffii sunningikkaluarlugit.

(20) Akiliuteqartoq pillugu paasissutissat tiguneqarsimasut ingerlateqqinnissaannut pisussaaffik naammassiniarlugu akiliutinik ingerlatsisunut akunnermuliuttunut tekniskiusumik killilersuisut akornusiisinnaasut peernissaata tungaanut akiliutinik ingerlatsisut akunnermuliuttut paasissutissat nalunaarsortariaqarpat. Tekniskiusumik killilersuinerit taamaattut peerneqartariaqarput, akiliutinik aaqqissuussinerit nutarterneqarniartullu.

(21) Pillaatissiinermik sulianik paasiniaanermut atatillugu ima pisoqarsinnaavoq, paasissutissat piumasarineqartut imaluunniit inuit peqataasut kinaassusersinissai periarfissaanngitsoq, aningaasat nuunneqaqqaarneranilli qaammatit arlallit imaluunniit ukiorpaaluit ingerlasinnaammata, akiliutinik ingerlatsisut akiliuteqartoq pillugu paasissutissat nalunaarsukkat toqqortarisariaqarpat aningaasanik naapertuuttunngortitsiniarnerup imaluunniit peqqarniisaarnianik aningaasalersuineq pinaveersaartinniarlugit, misissorniarlugit aamma nassaariniarlugit. Piffissaq taanna killilimmik sivilisussuseqartariaqarpoq.

(22) Peqqarniisaarnianik akiuiniarnerup piaartumik aallartinneqarnissaa periarfissaalertinniarlugit akiliutinik ingerlatsisut akiliuteqartoq pillugu paasissutissanik qinnuteqartunut, aningaasanik naapertuuttunngortitsiniarnerup imaluunniit peqqarniisaarnianik aningaasalersuinerimik akiliutinik ingerlatsisut uninngaffigisaanniittut naalagaaffimmi oqartussaasunut piaartumik qisuariartariaqarput.

(23) Naalagaaffimmi ilaasortaasumi, akiliuteqartup akiliuteqarnermi ingerlatsisuata angerlarsimaffigisaani, ullut suliffiusut amerlassusaat akiliuteqartoq pillugu paasissutissanik qinnuteqaatinut ullut qassit iluani qisuariartoqarnissaanut aalajangiisuupput.

(24) Aningaasanik naapertuuttunngortitsiniarnerup aamma peqqarniisaarnianik aningaasalersuinerup akiorniarneqarnerata pingaartinneqarnera pissutigalugu, naalagaaffiit ilaasortat nunagisami inatsisiliornerminni pillaatissatut iliuitsit sunniuteqarluartunik, naleqquttunik aamma anusinngornartunik aalajangersaasariaqarput, matumani peqqussummik unioqqutitsinerim atorneqartussanik.

(25) Matumani peqqussutip naammassinissaanut pineqaatissiissutit pisariaqartut Kommissionimit pisussaaffigineqartut naammassinninnissamut pisinnaatitaanerit ingerlanneqarnissaannut piumasaaqatit erseqqinnerusut aalajangersarneqarnerat pillugu Rådip aalajangiinera 1999/468/EF, 28. juni 1999-imeersoq naapertorlugu aalajangersarneqartariaqarput.

Naalagaaffiit aamma naalagaaffiit ilaat arlaqartut, Fællesskabip suliassa qarfiinni ilaanngitsut, naalagaaffik ilaasortaq aningaasaqarnikkut suleqatigaat, naalagaaffiup ilaasortap aningaasaanut ilaavoq imaluunniit Det Europæiske Fællesskabimik, naalagaaffimmit ilaasortamit sinniissuuffigineqartumik, aningaasaqarnikkut isumaqatigiissuteqarpoq aamma akiliuteqarnermi ingerlatsisoqarpoq, toqqaannartumik toqqaannanngikkaluartumilluunniit naalagaaffiup ilaasortap pineqartup akiliuteqarnikkut aamma ingerlatsinikkut aqqissuussineranut peqataalluni. Nunani imaluunniit nunap ilaanni pineqartuni aningaasaqarnikkut pitsaanngitsumik kingunerit annertuut pinngitsoortinniarlugit, naalagaaffiit ilaasortat aamma nunat taakku imaluunniit nunat ilaasa akornanni aningaasanik nuussinermi matumani peqqussummik atuinerup kingunerisaanik pinngorsinnaasut, aningaasanik nuussinert taamaattut naalagaaffiit ilaasortat iluanni aningaasanik nuussinertut suliarineqarnissaannut periarfissiissuteqartariaqarpoq.

(27) Ajunngitsuliornermik siunertaqartut kattuffinnut tapiissutit akornuserumanagit, naalagaaffiit ilaasortat akiliuteqarnermi ingerlatsisut namminneq suliassa qarfimmi iluini nunap ilaasortap pineqartup suliassa qarfiata iluani 150 EUR tikillugit aningaasanik nuussinernut atatillugu akiliuteqartoq pillugu paaasissutissanik katersinissamut, uppersaanissamut, nalunaarsuinissamut imaluunniit nassiussinissamut pinngitsoortinneqarnissaannut piginnaatinneqartariaqarput. Periarfissarli taanna kattuffinnut nalinginnaasumik siunertaqartunut piumasaqaatinik naammassinninnissaannut piumasaqaatitaqartariaqarpoq, taamaasilluni naalagaaffiit ilaasortat qulakkeerniassammassuk, pinngitsoortitsineq taanna peqqarniisaarnianik atornerlunneqannginnissaa, iliutsimik ajornannginnerusumik aningaasalersornissaannut imaluunniit isertorniarnissaannut.

(28) Matumani peqqussummi siunertat naalagaaffinnit ilaasortanit naammattumik naammassineqarsinnaanngilaq iliutsillu annertussusaa sunniutaalu pissutigalugit ataatsimoortumik pitsaaneruseqarnermi ingerlanneqarsinnaalluni; taamaattumik Fællesskabi subsidiaritetsprincip, tak. **traktatimi** artikel 5, naapertorlugu iliussissanik aalajangersaasinnaavoq. Proportionalitetsprincip, tak. artikel taaneqartoq, naapertorlugu siunertat taakku angunissaannut pisariaqartut matumani peqqussutip attussanngilai.

(29) Aningaasanik naapertuuttunngortitsiniarneq aamma peqqarniisaarnianik akiuineri periutsi ataqatigiinnerusoq aalajangersarniarlugu, matumani peqqussummi malittarisassat pingaarnerit nunani tamalaani aalajangiunneqartut malittarisassat attuumassuteqartut piffissat atuuffii assigalugit atuutinneqartariaqarput –

PEQQUSSUT TULLIUTTOQ ATUUTINNEQALERPOQ:

KAPITALI 1

SAMMISAQ, NASSUIAANERIT AAMMA ATUUFFISSAA

Artikel 1

SammisAQ

Matumani peqqussummi aningaasanik nuussinermi akiliuteqartoq pillugu paasissutissat ilanngullugit nassiunneqartussat pillugit malittarisassat aalajangersarneqarput, aningaasanik naapertuuttunngortitsiniarneq aamma peqqarniisaarnianik aningaasalersuineq pinaveersaartinniarlugit, paasiarniarlugit aamma nassaarinniarlugit.

Nassuiaanerit

Matumani peqqussummi makku ima paasineqassapput:

- 1) ”peqqarniisaarnianik aningaasalersuineq”: maleruagassami 2005/60/EF-imi artikel 1, imm. 4-mi nassuiarneqartut aningaasanik tunniussineq imaluunniit katersineq
- 2) ”anigaasanik naapertuuttunngortitsiniarneq”: iliuuseq sunaluunniit piaaraluneerneruppat maleruagassami 2005/60/EF-imi artikel 1, imm. 2 imaluunniit 3 naapertorlugit aningaasanik naapertuuttunngortitsiniarnertut isigineqassaaq
- 3) ”akiliuteqartoq”: inuinaq imaluunniit inatsisitigut sullissisoq, kontumik piginnittoq, kontumit aningaasanik nuussinissamik akuersissuteqartoq, imaluunniit kontoqanngippat, inuinaq imaluunniit inatsisitigut sullissisoq, aningaasanik nuussinissamik qinnuteqartoq
- 4) ”tigusisussaq”: inuinaq imaluunniit inatsisitigut sullissisoq, aningaasanik nuussanik tiguisussatut eqqarsaataasoq
- 5) ”akiliuteqarnermi ingerlatsisoq”: inuinaq imaluunniit inatsisitigut ingerlatsisoq, suliffeqarfigisaa aningaasanik nuussinernik suliaqartoq
- 6) ”akiliuteqarnermi ingerlatsisoq akunnermuliuttoq”: akiliuteqarnermi ingerlatsisoq, akiliuteqartup tiguisussalluunniit akiliuteqarnermi ingerlatsisorinngisaa, aningaasanik nuussinerup ingerlanneqarnerani peqataasoq
- 7) ”anigaasanik nuussineq”: nuussineq, akiliuteqartoq sinnerlugu elektroniskiusumik ingerlanneqartoq, akiliuteqarnermi ingerlatsisoq aqutugalugu akiliuteqarnermi ingerlatsisumi tiguisussamat atugassanngorlugit, naak akiliuteqartoq tiguisussarlu inuk ataasiugaluartorluunniit
- 8) ”batchfiloverførsel”: aningaasanik nuussinerit ataasiakkaat arlallit, ataatsimoortillugit nassiunneqartut
- 9) ”paatsuugassaannngitsumik kinaassusersiut”: naqqinnerit, kisitsisit imaluunniit ilisarnaatit ataqtigiissitat aningaasanik nuussinermi atorneqartartuni akiliuteqarnermi, ingerlatsinermi aamma nalunaaruteqarnermi protokollit naapertorlugit akiliutinik ingerlatsisumit aalajangersarneqartut.

Artikel 3

Atuuffissaa

1. Matumani peqqussut aningaasanik nuussinermi atorneqassaaq nunap aningaasai apeqqutaatinnagit, Kattuffimmi akiliutinik ingerlatsisumit nassiunneqartut imaluunniit tiguneqartut.

2. Matumani peqqussut aningaasanik nuussinernut, kredit imaluunniit debetkort atorlugit ingerlanneqartunut atuutissanngilaq, imaattoqarpat:

a) tiguisusaaq akiliutinik ingerlatsisumik isumaqtigiissuteqarsimappat, nioqqutissanik kiffartuussinernillu tunniussinermi akiliuteqarnissamik periarfissiisumik

aamma

b) aningaasanik nuussineq pineqartoq paatsuugassaannngitsumik kinaassusersiummik ilaqartinneqarpat, aningaasanik nuussinermik akiliuteqartumik nassaarinneqqissinnaanermik periarfissiisumik.

3. Matumani peqqussut aningaasanik nuussinerni, aningaasat elektroniskiusut ikiortigalugit ingerlanneqartunut atuutissanngilaq, naalagaaffiup ilaasortap maleruagassami 2005/60/EF-imi artikel 11, imm. 5, litra d)-imi sanioqqutitsisinnaaneq atussallugu toqqarpagu, aningaasat nuussat 1000 EUR qaangersimannngippagit.

4. Imm. 3 eqqarsaatigalugu matumani peqqussut aningaasanik nuussinernut oqarasuaatit angallattakkat imaluunniit digitaliusumik atortut imaluunniit informationsteknologiskiusut atortut (it) ikiortigalugit ingerlanneqartunut atuutissanngilaq, nuussinerit taakku siumoortumik akiligaappata aamma 150 EUR qaangersimannngippagit.

5. Matumani peqqussut aningaasanik nuussinernut oqarasuaatit angallattakkat imaluunniit digitaliusumik atortut imaluunniit it-imik atortut ikiortigalugit ingerlanneqartunut atuutissanngilaq, nuussinerit taakku kingusissukkut akiligaappata aamma piumasaqaatit makku naammassineqarsimappata:

- a) Tigusisussaq akiliuteqarnermi ingerlatsisumik isumaqatigiissuteqarsimappat, nioqqutissanik kiffartuussinernillu tunniussinermi akiliuteqarnissamik periarfissiisumik.
- b) Aningaasanik nuussineq pineqartoq paatsuugassaanngitsumik kinaassusersiummik ilaqartinneqarpat, nuussinermik akiliuteqartumut nassaarinneqqissinnaanermik periarfissiisumik

aamma

- c) akiliuteqarnermi ingerlatsisoq maleruagassami 2005/60/EF-imi pisussaaffinnut ilaatinneqarpat.

6) Naalagaaffiit ilaasortat matumani peqqussut atussallugu toqqarsinnaanngilaat naalagaaffiup ilaasortap iluani tigusisussap kontuanut aningaasanik nuussinernut, nioqqutissanik kiffartuussinernillu tunniussinermut akiliuteqarnissamik periarfissiisumik, imaattoqarpat:

- a) tigusisussap akiliuteqarnermi ingerlatsisua maleruagassami 2005/60/EF-imi pisussaaffinnut ilaatinneqarpat
- b) tigusisussap akiliuteqarnermi ingerlatsisua tigusisussaq aqutigalugu paatsuugassaanngitsumik referencenummer ikiortigalugu inummit imaluunniit inatsisitigut sullissisumit aningaasanik nuussinernik nassaarinneqqissinnaappat, nioqqutissanik kiffartuussinernilluunniit tunniussinernik tigusisussamik isumaqatigiissuteqarsimappat

aamma

- c) aningaasat nuussat 1000 EUR qaangersimanngippagit.

Naalagaaffiit ilaasortat, sanioqqutitsinissamik taassuminnga atuisut, tamanna pillugu Kommissioni nalunaarfigissavaat.

7) Matumani peqqussut aningaasanik nuussinernut makkununga atuutissanngilaq:

- a) akiliuteqartoq nammineq kontuminit aningaasanik tigusippat
- b) illuatungeriit akornanni debetoverføseleqarnissamik akuersissuteqartoqartillugu, illuatungeriit akornanni kontunut akiliuteqarnissamik periarfissiisumik, aningaasanik nuussineq pineqartoq paatsuugassaanngitsumik kinaassusersiummik ilaqartinneqarpat, inummik imaluunniit inatsisitigut sullissisumik nassaarinneqqinninnissamik periarfissiisumik
- c) qarasaasiakkut checkit nassiussat atorlugit nuussisoqarpat
- d) akileraarutininik, akiligassiutinik allanilluunniit akitsuutinik naalagaaffiup ilaasortap iluani pisortat oqartussaataannut akiliuteqartoqarpat
- e) akiliuteqartoq aamma tigusisussaq akiliutinik ingerlatsisuuppata, nammineq akiligassaralugu iliuuseqartunut.

KAPITALI II

AKILIUTEQARTUP AKILIUTEQARNERMI INGERLATSISUATA PISUSSAAFFII

Artikel 4

Akiliuteqartoq pillugu paasissutissat tamakkiisut

1. Paasissutissat tamakkiisut tassaapput akiliuteqartup aqqa, najugaa aamma kontu normua.
2. Najukkamut taarsiullugu akiliuteqartup ulloq inunngorfia, kundeidentifikationsnummer imaluunniit nunagisami inuup normua taaneqarsinnaapput.
3. Akiliuteqartoq kontu normoqanngippat, akiliuteqarnermi ingerlatsisup paatsuugassaannngitsumik kinaassusersiut taarsiullugu atorsinnaavaa, nuussinermik akiluteqartumut nassaarinneqqissinnaasoq.

Artikel 4

Aningaasanik nuussinermi paasissutissat nalunaarsuinerlu

1. Akiliutinik ingerlatsisut qulakkiissavaat, aningaasanik nuussinerit akiliuteqartoq pillugu paasissutissanik tamakkiisunik ilaqartinneqarnissaat.
2. Aningaasat nuunneqartinnagit, akiliuteqartup akiliuteqarnermi ingerlatsisuata akiliuteqartoq pillugu paasissutissat tamaasa misissussavai uppernarsaatit, paasissutissat imaluunniit tutsuiginartumit aamma arlaannaannulluunniit attaveqanngitsumit tutsuigisamit paasissutissat tunngavigalugit.
3. Kontumiit aningaasanik nuussinermi misissuinissamik piumasaaqaat naammassineqartutut isigineqarsinnaavoq, imaattoqarpat
 - a) kontumik ammaanermut atatillugu akiliuteqartup kinaassusaa uppernarsineqarpat, aamma tamatumunnga atatillugu saqqummersut paasissutissat, maleruagassami 2005/60/EF-imi artikel 8, imm. 2, aamma artikel 30, litra a)-mi pisussaaffiit naapertorlugit toqqortarineqarpat imaluunniit
 - b) akiliuteqartoq maleruagassami 2005/60/EF-imi artikel 9, imm. 6-imi ilaatinneqarpat.
4. Nuussinerni, kontumit nuussinerunngitsuni, taamaakkaluartoq akiliuteqartup akiliuteqarnermi ingerlatsisuata maleruagassami 2005/60/EF-imi artikel 7, litra c) eqqarsaatigalugit akiliuteqartoq pillugu paasissutissat taamaallaat uppernarsassavai, aningaasat 1000 EUR qaangersimappagit, naak nuussineq ataqatigiissutut pissusilimmik arlaleriarluni nuussinerugaluartoq, aamma katillugit 1000 EUR qaangersimappagit.
5. Akiliuteqartup akiliuteqarnermi ingerlatsisuata aningaasanik nuussinermi akiliuteqartoq pillugu paasissutissat tamakkiisut ukiuni tallimani nalunaarsuiffinni toqqortarissavai.

Artikel 6

Aningaasanik nuussinerit Kattuffiup iluani

1. Artikel 5, imm. 1 apeqqutaatinnagu akiliuteqartup tiguisussallu akiliutinik ingerlatsisui Kattuffiup iluaniippata, aningaasanik nuussinerit akiliuteqartup kontu normuanik imaluunniit kinaassusersiummik paatsuugassaannngitsumik taamaallaat ilaqartinneqassapput, nussinermik akiluteqartumut nassaarinneqqissinnaanermik periarfissiisumik.
2. Tiguisussap akiliuteqarnermi ingerlatsisuata tamanna qinnutigippagu, taamaattoq akiliuteqartup akiliutiniik ingerlatsisuata paasissutissat tamakkiisut tiguisussap

akiliuteqarnermi ingerlatsisuanut atugassanngortissavai qinnuteqaammik tigusaqarnermiit ullut suliffiusut pingasut qaangiutsinnagit.

Artikel 7

Kattuffimmit Kattuffiup avataanut aningaasanik nuussinerit

1. Aningaasanik nuussinerit, tiguisussap aningaasanik ingerlatsisua Kattuffiup avataaniitillugu, akiliuteqartoq pillugu paasissutissanik tamakkiisunik ilaqartinneqassapput.
2. Akiliuteqartumit ataatsimit batchfiloverførselit tiguisussap akiliuteqarnermi ingerlatsisua Kattuffiup avataaniitillugu, imm. 1 nuussinernut ataasiakkaanut katersanut atuutissanngilaq, **batchfil** paasissutissanik taakkunanik imaqarpat, aamma nuussinerit ataasiakkaat akiliuteqartup kontu normuanik imaluunniit kinaassusersiummik paatsuugassaannngitsumik imaqarpata.

KAPITALI III

TIGUISUSSAP AKILIUTEQARNERMI INGERLATSISUANUT PISUSSAAFFIIT

Artikel 8

Akiliuteqartoq pillugu paasissutissat amigaataasut

Tiguisussap akiliuteqarnermi ingerlatsisuata pisussaaffigaa paasissallugu, nalunaaruteqarnermi, imaluunniit akiliuteqarnermi aamma ingerlatsinermi aqqissuussinermi aningaasanik nuussinermi atorneqartartuni, akiliuteqartoq pillugu paasissutissat pillugit immersuiffissami, karakterinik imaluunniit paasissutissanik isertunik immersorsimanissai, nalunaaruteqarnermi imaluunniit akiliuteqarnermi aamma ingerlatsinermi aqqissuussinermi pineqartumi malittarisassat naapertorlugit akuerisaasunik. Akiliuteqarnermi ingerlatsisup taassumap sunniuteqarluartumik ingerlatseriaaseqassaaq paasiniarlugu, akiliuteqartoq pillugu paasissutissanik makkunanik amigaateqartoqarnersoq:

- a) aningaasanik nuussinerni, akiliuteqartup akiliuteqarnermi ingerlatsisua Kattuffimmiitillugu artikel 6-imi piumasarineqartut paasissutissat
- b) aningaaanik nuussinerni, akiliuteqartup akiliuteqarnermi ingerlatsisua Kattuffiup avataaniitillugu, artikel 4-mi aalajangersarneqartutut paasissutissat tamakkiisut, imaluunniit taamaasappat artikel 13-imi piumasarineqartut paasissutissat

aamma

- c) batchfiloverførselini, akiliuteqartup akiliuteqarnermi ingerlatsisua Kattuffiup avataaniitillugu, artikel 4-mi aalajangersarneqartutut paasissutissat tamakkiisut, taamaattorli batchfiloverførseliinnarmi ataasiakkaani nuussani katersaniinnngitsuq.

Artikel 9

Aningaasanik nuussinerit akiliuteqartoq pillugu paasissutissat amigaataasut imaluunniit tamakkiisuunngitsut

Akiliuteqartup akiliuteqarnermi ingerlatsisuata nuussinermik tigusinermini paasiguniuk, matumani peqqussummi piumasarineqartut paasissutissat amigaataasut imaluunniit tamakkiisuunngitsut, akiliuteqarnermi ingerlatsisup nuussineq itigartissavaa imaluunniit akiliuteqartoq pillugu paasissutissanik tamakkiisunik piumasaqassaaq. Pisunili tamani tiguisussap

akiliuteqarnermi ingerlatsisuata aningaasanik naapertuuttunngortitsiniarneq aamma peqqarniisaarnianik aningaasalersuineq pillugit inatsiliorneq atuuttoq imaluunniit allaffissornikkut malittarisassat naammassissavai, pingaartumik peqqussut (EF) nr. 2580/2001 aamma (EF) nr. 881/2002 aamma maleruagassaq 2005/60/EF kiisalu nunagisami ingerlatsinermut malittarisassat.

2. Akiliuteqarnermi ingerlatsisoq akiliuteqartoq pillugu paasissutissat piumasarineqartut arlaleriarluni tunniutinngippagit, tiguisussap akiliuteqarnermi ingerlatsisua iliuusissanik pilersaarusiussaa, siullermik mianersoqqusineramik imaqartunik aamma piffissarititanik aalajangersaassaaq, aamma tamatuma kingorna akiliutinik ingerlatsisumik taassuminnga siunissami aningaasanik nuussinernik itigartississaaq imaluunniit akiliutinik ingerlatsisumik taassuminnga niuerneramik attaveqatigiinneq killilersorneqarnissaa imaluunniit inarneqarnissaa pillugu isummerluni.

Tiguisussap akiliuteqarnermi ingerlatsisuata pisortat oqartussaaitaanut tamanna nalunaarutigissavaa, aningaasanik naapertuuttunngortitsinerup imaluunniit peqqarniisaarnianik aningaasalersuinerup akiorniarnernik akisussaasunut.

Artikel 10

Navianartorsiornermik tunngaveqartoq naliliineq

Tiguisussap akiliuteqarnermi ingerlatsisuata akiliuteqartoq pillugu paasissutissat amigaataasut imaluunniit tamakkiisuunngitsut, aningaasanik nuussinermi assigisaaniluunniit nuussinermi pasinartoqarnerisooq naliliinermini pissutitut isigissavaa, aamma maleruagassami 2005/60/EF-imi kapitali III-mi malittarisassat naapertorlugit pisortat oqartussaaitaanut, aningaasanik naapertuuttunngortitsineramik aamma peqqarniisaarnianik akiuiniarnermi akisussaasuusunut, nalunaarutigineqarnissaa naliliiffigalugu.

Artikel 11

Nalunaarsuineq

Tiguisussap akiliuteqarnermi ingerlatsisuata akiliuteqartoq pillugu paasissutissat tiguneqarsimasut pillugit nalunaarsuiffinni ukiuni tallimani toqqortarissavai.

KAPITALI IV

AKILIUTINIK INGERLATSISUMUT AKUNNERMULIUTTUMUT PISUSSAAFFIIT

Artikel 12

Nuussinermi akiliuteqartoq pillugu paasissutissat toqqortarineqarnerat

Akiliutinik ingerlatsisut akunnermuliuttut isumagissavaat, paasissutissat tamarmik, akiliuteqartoq pillugu tiguisimasartik aningaasanik nuussinermut ilaatillugit, nuussinermut ilanngullugit toqqortarinissai.

Artikel 13

Tekniskiusumik killilersuinerit

1. Matumani artikeli atuutinneqassaaq, akiliuteqartup akiliuteqarnermi ingerlatsisua Kattuffiup avataaniitillugu, aamma akiliuteqarnermi ingerlatsisoq akunnermuliuttoq Kattuffimmiitillugu.

2. Aningaasanik nuussanik tigusinermi akiliuteqarnermi ingerlatsisup akunnermuliuttup paasinngippagu, peqqussummi matumani akiliuteqartoq pillugu paasissutissat piumasarineqartut amigaataasut imaluunniit tamakkiisuunnigitsut, akiliuteqarnermi ingerlatsisup akunnermuliuttup akiliuteqarnermi aqqissuussineq tekniskiusumik killilersuinertalik atorsinnaavaa, aningaasanik nuussinermi akiliuteqartoq pillugu paasissutissanik ilaqartitsinissamik periarfissiinngitsoq, tigusisussap akiliuteqarnermi ingerlatsisuanut aningaasanik nuussinertit nassiunneranni.

3. Akiliuteqarnermi ingerlatsisoq akunnermuliuttoq aningaasanik nuussanik tigusinermi paasiguniuk, peqqussummi matumani piumasarineqartut akiliuteqartoq pillugu paasissutissat amigaataasut imaluunniit tamakkiisuunnigitsut, akiliuteqarnermi ingerlatsisup akunnermuliuttup akiliuteqarnermi aqqissuussineq tekniskiusumik killilersuinertalik taamaallaat atussavaa, tamanna pillugu tigusisussap akiliuteqarnermi ingerlatsisua, akiliuteqarnermi imaluunniit nalunaaruteqarnermi aqqissuussinerup iluani, nalunaarfigissallugu periarfissaappat paasissutissamik taassuminnga ingerlatsitsinissamut periarfissiisoq, imaluunniit periutsi alla atorlugu, attaveqatigiinnermi iluseq akiliutinik ingerlatsisut taakku marluk akornanni isumaqataassutaassimappat imaluunniit akuersissutaassimappat.

4. Akiliuteqarnermi ingerlatsisup akunnermuliuttup akiliuteqarnermi aqqissuussineq tekniskiusumik killilersuinertalik atorpagu, tigusisussap akiliuteqarnermi ingerlatsisuanit qinnuigineqarnermigut qinnuteqaatip tigusineraniit ullut suliffiusut iluanni, akiliuteqartoq pillugu paasissutissat akiliutinik ingerlatsisumut tassunga atugassanngortissavai, paasissutissat taakku tamakkiisuuppata tamakkiisuunnigikkaluarpataluunniit.

5. Imm. 2 aamma 3-mi pisuni pineqartuni akiliuteqarnermi ingerlatsisup akunnermuliuttup paasissutissat tiguneqarsimasut tamarmik nalunaarsorsimaffiat ukiuni tallimani toqqortarissavai.

KAPITALI V

PISUSSAAFFIIT NALINGINNAASUT AAMMA INGERLATSINERMUT PIGINNAATITSINEQ

Artikel 14

Suleqatigiinnissamik pisussaaffiit

Akiliutinik ingerlatsisut naalagaaffimmi ilaasortaasumi nunagisami inatsisiliornermi periutsimik piumasaqaatit naapertorlugit tamakkiisumik aamma ingerlaannartumik naalagaaffimmi ilaasortami pineqartumi pisortat oqartussaataitaannit, aningaasanik naapertuuttunngortitsinerup aamma peqqarniisaarniarnik akiuiniarnermik akisussaasuusunit qinnuteqaatit naammassissavaat, akiliuteqartoq pillugu paasissutissanut, aningaasanik nuussinermi ilanngullugit nassiunneqartussanut aamma nalunaarsuinerit naleqquttunut tunngatillugu.

Pisortat oqartussaataitaat taakku nunagisami pillaasarnermi inatsit aamma tunngaviusumik piginnaatitaaffiit illersorneqarnerat nangaassutigalugit, paasissutissat taamaallaat atorsinnaavaat, aningaasanik naapertuuttunngortitsiniarnerup aamma peqqarniisaarnianik akiuiniarnerup pinaveersaartinneqarnissai, misissuiffiginissai imaluunniit nassaarinissai siunertaralugu.

Artikel 15

Eqqartuussutitut iliuusissat aamma nakkutilliineq

1. Matumani peqqussummi malittarisassanik unioqqutitsinermi eqqartuussutitut iliuusissat naalagaaffiit ilaasortaasut aalajangersassavaat aamma iliuusissat pisariaqartut tamaasa aalajangiiffigalugit ingerlanneqarnissaat qulakkeerniarlugu. Eqqartuussutitut iliuusissat taakku sunniuteqarluartuussapput, unioqqutitsinermut naleqqiullugu nalequttuussapput aamma avaarnartumik sunniuteqassapput. Ulloq 15. december 2007-imiit atuutilissapput.
2. Naalagaaffiit ilaasortat kingusinnerpaamik ulloq 14. december 2007-imi Kommissioni imm. 1-imi pineqartut pillugit malittarisassat aamma pisortat oqartussaataitai sorliit malittarisassanik atuutitsinermik akissusaasuunerat pillugit nalunaarfigissavaat, aamma malittarisassanik taakkunanik kinguneratigut allannguineramik tamanik ingerlaannaq nalunaarfigalugit.
3. Naalagaaffiit ilaasortat pisortat oqartussaataitai piginnaatitaasut nakkutilliinissamik aamma iliuusissanik pisariaqartunik isummernissamik pisussaaffilissavai, peqqussummi matumani piumasaqaatit naammasineqarnissaat qulakkeerniarlugu.

Artikel 16

Ataatsimiititaliani periutsi

1. Kommissioni, maleruagassiaq 2005/60/EF naapertorlugu pilersinneqartumit Udvalget til Forebyggelse af Hvidvaskning af Penge og Finansiering af terrorisme-mit ikiorneqassaaq, tulliuttuni ”ataatsimiititaliaq”-mik taaneqartumit.

2. Immikkoortumut tassunga innersuussisoqartillugu, aalajangiinermi 1999/468/EF-imi artikel 5 aamma 7 atorineqassapput, tak. matumani artikel 8, ingerlatsinissamik iliuitsit, tamatumani periutsi aalajangersarneqartoq malillugu, peqqussummi matumani malittarisassat tunngaviusut allanngortinneqanngippata.

Aalajangiinermi 1999/468/EF-imi artikel 5, imm. 6-imi piffissaq qaammatinut pingasunut aalajangersarneqassaaq.

KAPITALI VI

SANIOQQUTITSINERIT

Artikel 17

Kattuffiup suliassa qarfiinut ilaatinneqanngitsunik nunamik imaluunniit nunat ilaannik isumaqatigiissuteqarneq

1. Kattuffiup suliassa qarfiinut ilaatinneqanngitsunik nunamik imaluunniit nunap ilaannik nunagisami aqqissuussinerit aqutigalugit Kattuffiup naalagaaffik ilaasortaasoq isumaqatigiissusiornissaanik piginnaatissinnaavaa peqqussummik matumanik sanioqqutitsinissamik imaqtumi aalajangersakkami artikel 299 naapertorlugu, taamaalilluni nunap taassumap imaluunniit nunap ilaata aamma naalagaaffiup ilaasortap pineqartup akornanni naalagaaffimmi ilaasortaasutut aningaasanik nuussinernik suliarinnissinnaanngorlugu.

Isumaqatigiissutit taamaattut taamaallaat akuersissutigineqarsinnaapput, imaattoqarpat:

a) nuna pineqartup imaluunniit nunap ilaata naalagaaffik ilaasortaq aningaasaqarnikkut suleqatigippagu, naalagaaffiup ilaasortap aningaasaqarnikkut suliassa qarfiinut ilaappat imaluunniit Det Europæiske Unionimik, naalagaaffimmit ilaasortaasumit sinniisuuffigineqartumik, monetæriusumik isumaqatigiissummik atsiorsimappat.

b) nunami pineqartumi imaluunniit nunap ilaanni akiliutinik ingerlatsisusut toqqaannartumik toqqaannangikkaluamilluunniit naalagaaffiup ilaasortap pineqartup akiliuteqarnermi ingerlatsinermilu aaqqissuusineranut peqataappaat

aamma

c) nuna pineqartoq imaluunniit nunap ilaa piumasaqarpat, inatsisinik atortitsinerminik peqqussummik matumani aalajangersarneqartutut malittarisassat assingi atusagaat.

Naalagaaffik ilaasortaq, imm. 1-imi pineqartutut isumaqatigiissusiornissamik kissaateqartoq, Kommissionimut qinnuteqassaaq aamma paasissutissat pisariaqartut tamaasa tunniullugit.

Kommissionip naalagaaffimmit ilaasortaasumit qinnuteqaat tiguguniuk, naalagaaffiup ilaasortap aamma nunap pineqartup imaluunniit nunap ilaata akornanni aningaasanik nuussinerit naalagaaffiup ilaasortap taassumap iluani nuussinertut suliarineqassapput, matumani artikel periutsi naapertorlugu aalajangiisoqarnissaa tikillugu.

Kommissioni naliliippat, paasissutissat pisariaqartut tamaasa piginagit, qinnuteqaatip tiguneraniit qaammatit marluk iluini naalagaaffik ilaasortaq pineqartoq attaveqarfigissavaa erseqqissarlugulu, paasissutissat annertunerusut sorliit piumasarineqarnersut.

Kommissionip paasissutissat tamaasa, qinnuteqaammik naliliiniarluni pisariaqartitani tiguppagit, tamanna pillugu naalagaaffik ilaasortaq qaammatip ataatsip iluani nalunaarfigissavaa aamma naalagaaffinnut ilaasortaasunut allanut qinnuteqaat nassiullugu.

3. Imm. 2, titarnerit sisamaanni innersuussutigineqartup nalunaarutiginninnerup kingorna kingusinnerpaamik qaammatit pingasut qaangiutsinnagit artikel 16, imm. 2-mi periutsi malillugu Kommissioni aalajangiissaaq, naalagaaffik pineqartoq matumani artikelimi pineqartutut isumaqatigiissusiornissamut piginnaatinneqarsinnaanersoq pillugu.

Oqaaseqatigiit siullerni innersuussutigineqartoq pinngitsoorani aalajangiunneqassaaq, qinnuteqaatip Kommissionimit tiguneqarnerata kingorna kingusinnerpaamik qaammatit 18-it qaangiutsinnagit.

Artikel 18

Naalagaaffimmi ilaasortaasumi kattuffiit nalinginnaasumik siunertaqartunut aningaasanik nuussineq

1. Naalagaaffiit ilaasortat namminneq nunami ilaanni akiliutinik ingerlatsisut artikel 5-imi pisussaaffinnit pisussaajunnaartissinnaavai, kattuffinnut nalinnginaasumik siunertaqartunut aningaasanik nuussinernut tunngatillugu, ajunngitsuliornermik, upperisarsiornermik, kultureqarnermik, ilinniartitaanermik, isumaginninnermik ilisimatusarnermik imaluunniit niuerneramik siunertaqartunik iluaqutissanngorlugu ingerlatsisunut, kattuffiit tamakku naatsorsuusiorussannermik aamma avataanniit kukkunerisuiisoqarnissaanik imaluunniit pisortat oqartussaataannit nunagisami inatsisini akuerineqartumit namminersortumit nakkutilliisoqarnissaanik piumaffigineqarsimappata, aamma aningaasanik nuussinerit ataasiakkaat 150 EUR qaangersimangippagit aamma naalagaaffiup ilaasortap iluani taamaallaat ingerlanneqarpat.

2. Naalagaaffiit ilaasortat, matumani artikelimik atuisut, Kommissioni nalunaarfigissavaat, imm. 1-imi pineqartoq periarfissap atornissaanut iliuusissat suut aalajangiussimanerlugit pillugu, tamatumunnga ilanngullugit kattuffiit, sanioqqutitsinissamik ilaatinneqartut, allattorsimaffiat, **inuit** aqqi, kattuffinnik nakkutilliisuusut, aamma allattorsimaffiup qanoq nutarterneqartarnera

pillugu inassuteqaat. Paasissutissat taakku pisortat oqartussaataannut, aningaasanik naapertuuttunngortitsiniarnermik aamma peqqarniisaarnianik akiuiniarnermik akisussaasuusunut taamatutaaq atugassanngortinneqassapput.

3. Naalagaaffik ilaasortaq pineqartoq kattuffiit, sanioqutitsinermik ilaatinneqartut, allattorsimaffiat nutartigaq naalagaaffimmi ilaasortami suliaqartunut akiliutinik ingerlatsisunut nassiutissavaat.

Artikel 19

Kukkunersiuinissamik immikkut piumasagaatit

1. Kommissioni kingusinnerpaamik ulloq 28. december 2011-mi Europa-parlamentimut aamma Rådimit nalunaarusiussaaq peqqussummik matumani atuineq pillugu aningaasaqarnikkut tamakkiisumik aamma inatsisitigut naliliinermik imaqartumik, pisariaqarpallu tamatuminnga allannguinissamik imaluunniit atorunnaarsitsinissamik siunnersuummik ilallugu.

2. Nalunaarusiaq pingaartumik makkuninnga naliliinernik imaqassaaq:

- a) atikel 3-mik atuineq, maleruagassami 2000/46/EF-imi artikel 1, imm. 3-mi nassuiarneqartut aningaasanik elektroniskiusunik atornerluisinnaaneq pillugu misilittakkanut annertunerusunut aamma aningaasanik naapertuuttunngortitsiniarnermut aamma peqqarniisaarnianik aningaasalersuinermut atatillugu akiliutinik ingerlatsisunut nutaanut tunngatillugu. Taamaattumik atornerluinissamik navianartorsiortoqarpat, matumani peqqussutip allanngortinneqarnissaanik saqqummiussissaaq
- b) artikel 13-imi atuineq, tekniskiusumik killilersuinerit, akiliuteqartoq pillugu paasissutissat tamarmik tiguisussap akiliuteqarnermi ingerlatsisuanut nuunneqarnissaannik periarfissiisinaanngitsut. Tekniskiusumik killilersuinerit taamaattut qaangernissaannut periarfissaappat, akiliuteqartarnermi siuariartorneq eqqarsaatigalugu aamma akiliutinik ingerlatsisunut aningaasartuutit ilaasut eqqarsaatigalugit, matumani peqqussutip allanngortinneqarnissaanik Kommissioni saqqummiussissaaq.

KAPITEL VIII

MALITTARISASSAT INAARUTAASUT

Artikel 20

Atuutilerfissaa

Matumani peqqussut atuutilissaaq Den Europæiske Unionimi tamanut saqqummiunneqarnerata kingorna ullut 20-ssaannik, taamaattorli ulloq 1. januar 2007 sioqqunnagu.

Matumani peqqussut ataasiakkaatigut unioqquatinneqartussaannigilaq aamma naalagaaffinni tamani atuutissaaq.

Strasbourg-imi suliarineqartoq, ulloq 15. december 2006-imi.

Europa-Parlament sinnerlugu

Siulittaasoq

J. Borrell Fontelles

Ráði sinnerlugu

Siulittaasoq

P. Lehtomäki

-
- 1) EUT C 336, 31.12.2005-imeersumi, qupp. 109.
 - 2) Europa-Parlamentip oqaaseqaataa 6.7.2006-imeersoq (suli EUT-imi tamanut saqqummiunneqanngilaq) aamma Rådip aalajangiinera 7.11.2006-imeersoq.
 - 3) EFT L 344, 28.12.2001-imeersumi, qupp. 70. Kingullermik allanngortinneqartoq Kommissionip peqqussutaatigut (EF) nr. 1461/2006-imeersukkut (EUT L 272, 3.10.2006-imeersoq, qupp. 11).
 - 4) EFT L 139, 29.5.2002-meersumi, qupp. 9. Kingullermik allanngortinneqartoq Kommissionip peqqussutaatigut (EF) nr. 1508/2006-imeersukkut (EUT L 280, 12.10.2006, qupp. 12).
 - 5) EUT L 309, 25.11.2005-imeersumi, qupp. 15.
 - 6) EFT L 281, 23.11.1995, qupp. 31. Peqqussut (EF) nr. 1882/2003-meersukkut allanngortinneqartoq (EUT L 284, 31.10.2003, qupp. 1).
 - 7) EFT L 275, 27.10.2000-meersumi, qupp. 39.
 - 8) EFT L 344, 28.12.2001-imeersumi, qupp. 13.
 - 9) EFT L 184, 17.7.1999-imeersumi, qupp. 23. Kingullermik allanngortinneqartoq aalajangiinikkut 2006/512/EF-ikkut (EUT L 200, 22.7.2006-imeersumi, qupp 11).